





章恭毅公集卷之十

七言律詩

送臨海包君庭儀以安福長史部糧復任

昔聞有尉是神仙使幕今看禦寇賢
泛水芙蓉常對席成蹊桃李正當筵
馬蹄騰踏來千里鵬翮扶搖志九天
佐理好期成偉績承恩不日有超遷

寄李尙敏兄

珍重新詩遠寄將聯翩珠玉燦星光
永懷急難情偏厚先施平居意更長
物論品題歸月旦錦鄉榮耀有冠裳
尙期學行兼修美推薦他年屬廟廊

重慶萱堂爲朱氏賦


章恭毅公集

卷之十



敬鄉樓叢書



章 綸 大 經



WENZHOU LIBRARY



重慶慈聞共北堂遐齡幸喜各延長青眉對映隻瞳月白髮兼
飄兩鬢霜嘗藥感神曾有效斷機勸學豈無方一家全得天倫
樂願祝千年獻玉觴

寄致仕金光祿

老成儘可用當時忽起秋風有所思鱸膾蓴羹堪飽足石田茅
屋好棲遲功成身退人能幾漏盡鐘鳴夜屬誰多少冥行塵市
客爭如鼓腹自遊嬉

寄阮布政

昔年召伯舍甘棠德在人心尙不忘徹底寒潭明月含生霜
野靄春陽二疏去日多觀美三徑歸時已就荒誰識此間真意
樂菊花晚節有餘香

寄項主事

永嘆昔有急難心不語人知義最深出入星郎無愧忤歸來丘
壑自經尋閑雲舒卷浮空岫倦鳥知還憶舊林遊賞盡忘榮與
辱任從頭上雪盈簪

寄朱教諭

哲匠才能足有爲却開絳帳坐臯比杏壇氣藹春風裏芹泮功
成化雨時適志鱸魚曾有感忘機鷗鳥久相知閑來散步林泉
處把酒爲歡好賦詩

送永嘉黎縣丞

斗口山城是永嘉郎官佐理有才華吟哦閒日人曾問頌議歸
時世共誇使席啣杯浮竹葉賓筵入幕對蓮花此行棲棘應非
久禦寇功成職更加

寄檢討孔鐸先生

宣聖源流有遠孫幾年傳道在橋門詞壇衆體兼修作秘閣羣
書足討論正好從容遊翰苑如何休沐就田園也知未遂棲遲
願超擢應須荷聖恩

送劉瑀舉人會試

青冥垂翅已多年舉翮今看復上天風力扶搖搏九萬水聲洶
湧擊三千點頭定有朱衣候登第應看玉筍聯宴罷瓊林遊閬
苑好將忠赤姓名傳

送張浩舉人還松江

月桂秋來萬斛香一枝攀得更芬芳光生芹藻春回泮色映椿
萱綠滿堂千里霜蹄應奮迅九霄風翮快翱翔名好待傳臚
日遶殿雷聲動四方

寄洪主事

去年喜約共扁舟豈意相違勢莫留千里天涯雖異處一心道
域實同遊君能知倦如還鳥我亦忘機可狎鷗來歲有期歸省
祭笑將樽酒與賡酬

寄贈止菴

別來六載每停雲南望簫臺物外身君寄遠方將尺素吾於此
地見斯文遙知霧雨藏元豹應待恩波化紫鱗出處有時須養
晦山含美玉日光新

種柏軒爲瑞安高廷堅賦

□柏當年手植深至今軒外鬱森森歲寒三友同貞操地老孤
根自綠陰大廈可支梁棟任美材未許斧斤尋後人如有爲公
驗對此宜培種德心

寄同學友人徐汝繹

幾年泮水育成材劍氣光芒射斗魁讀禮三年陳絳帳乘槎八月到蓬萊一枝桂向蟾宮折五色花從鳳闕開春試有期來歲會着鞭宜早上金臺

梅月雙清圖爲朱給事賦

畫圖梅月洒清輝聊贈知心入禁闈疎影橫斜廣寒府淡粧綽約素娥衣銀蟾魄共冰姿淨白兔魂同玉骨歸東閣行吟深有契尋盟直欲到天機

爲袁郎中慕親

地官長有孝思情何幸親庭爲顯名讀禮不忘曾學禮遺羹安得在嘗羹墓前雨泣松沾淚庭外風悲樹作聲賴得迴鸞雙紫誥焚黃千古耀恩榮

挽黃母二首

慈闈祿養就京畿幾愛斑斕五色衣桂子闕中天日近萱花堂北露朝晞姜思不見雙魚躍陶侃空瞻二鶴飛憶把密縫手中線草心難得報春暉

夢中有鳳集雙拳王母俄驚上列仙讀禮心悲風木夜誦詩淚洒蓼莪篇兔來墓下循廬擾牛在岡頭得地眠一束生芻今欲奠無由泣泣往拜新阡

寄廬州孟太守

合肥太守我知心遠托雙魚寄好音此日黃堂施惠政當年丹旆獻良箴歌謠但使民多袴諫疏甯忘匠礪金佇見璽書徵用日與君玉筍列朝簪

贈馮檢討先生

曾向蟾宮折桂來却於泮水育英才賢關規矩多年守史館文

章此日裁白晝任從披簡冊青衿還與永臺萊優游璧水兼詞苑好擬朝天近上台

送朱鶴年兄海陽縣丞歸建昌

舊家冠佩世相傳繼美還看令子賢菽水承歡方就祿蓴羹入夢便歸田棲遲丘壑無塵染吟咏湖山有句聯憶爾婦翁吾受業詩筒來往幾多篇

慕萱爲邱均徵賦

慈親已去白雲鄉惆悵萱花悴北堂兒女憂時渾不解門閭倚處實堪傷手存遺澤栝捲舊心報春暉寸草長陟岵幾思天罔極蓼莪讀罷淚沾裳

送輝上人還東嘉

隱峯飛錫自東甌遠道尋師向石頭到日遶床曾有悟歸時躡

迹更何求白雲一塢爲方丈茅屋三間是比丘莫道天涯多絕境禪林最上帝王州

寄友人南昱兄

昔年同術又同心每愛才華出土林雲錦千章隨筆陣璣珠萬斛燦胸襟簿書已會樞機密經學應探理趣深他日鯤程期奮躍九重天上盍朋簪

送楊昕會試

會喜秋空一鷗橫又看鵬翮化鯤鯨滄溟水擊三千里霄漢風搏九萬程策對楓宸敷禮樂香浮桂籍重科名春雷遶殿傳臚處草色恩袍沐寵榮

送郭攀兄會試

曾看一鷗離風塵垂翅三年又致身冀野霜寒飛駿足禹門雷

動化魚鱗朱衣座後頭應點黃榜天邊墨正新榮沐恩波新雨
露好將忠赤答皇仁

送曹御史點軍征雲南

甌郡曾聞佐政聲柏臺陞職著威名埋輪已肅風霜任持節還
司虎旅行道遠皇華馳四牡春晴卉木嘽千鶯安邊擬見功成
日歸拜天顏荷寵榮

送人歸姑蘇

士人淵藪會姑蘇有客觀光上國都瑤島地高紅日近洞庭山
遠白雲孤此時旅邸思親去他日堂前見子趨遙想斑衣歸戲
後松江甘旨奉尊鱸

送魏給事中歸福建祭掃

高閣從來近太微推恩喜得報春暉已承頒誥天邊寵又見焚

黃隴上輝佩玉晨陪鵷鷺立捧書暮逐鴈鴻歸七閩此去增榮
耀早擬回朝拜禁闈

送陳通判復任管馬政

聯芳桂籍又登瀛佐政曾聞倅府聲化洽黎民知德厚恩推駮
牝見心誠考功已稱天官選行部遙看竹馬迎今日都門分袂
別尙期琴鶴早還京

送蔡司訓改任貴溪

昔年講道撤皋比服闋行當振鐸時萬里携書來上國九重承
詔出彤墀月明江水秋歸棹春到門墻日下帷江右從來文教
盛高堂模範重人師

送李僉都赴召之京

聖朝圖治在推賢有召書來送上天雨露汪洋霑四海風霜凜

冽震三邊埋輪獨步能持斧攬轡先行快着鞭此去承恩膺重命據忠好擬畫凌烟

月夜舟行至張家灣

奉使乘槎夜到灣京華近在五雲間已來幽薊三千里不道秦函百二關月漾金波流北渚雲堆五色滿西山明朝拜舞趨雙闕應有葵誠動聖顏

贈藩臬諸公

省部無分內外臺會朝來此共徘徊賢能不忝藩垣任器宇何慚柱石材今日笑談同丈室明朝趨拜近台階旬宣更盡勤民職總擬喬遷到弼諧

贈曹大參

住近天台鴈宕山並搖珂佩列仙班君參行省冰心白我忝銓

曹雪鬢斑送別昔離雙闕外趨朝今會五雲間願將忠愛歌天保共沐恩波近聖顏

贈袁僉憲

昔年觀政在儀曹相與知心義最高別後魚書君有寄回來雁帛我忘交提刑佐憲能咨訪拜表朝天幸喜遭竣事南回更勤恤璽書增表定加褒

贈謝大參

高閣當年倚洞門封章幾度叩天闈品題已入銓衡鑑藩屏初離禁掖垣寄我鯉魚書有尺會君鷄黍酒盈樽贊襄擬就勤民績超擢還看荷聖恩

贈王參議

星署遷官到大藩朝京會我駐江干好書已惠羣經典佳藥還

兼九轉丹趨謝未曾逢白下會同却喜在朝端投桃此意將何報三友長期結歲寒

贈黃僉憲

繡衣分憲浙東西冰蘖持心啖菜藿茅舍夜深無犬吠柏臺日暮有烏棲會期闕下同稱賀評論人中在品題行見超遷蒙寵渥廣施德澤慰黔黎

次韻贈丁大參

昔年近侍舊黃門曾捧天書入帝闈兼職戶曹司版籍遷官行省佐藩垣來朝天上人千里會遇途中酒一樽還任好推勤恤意超陞應擬沐皇恩

送盧司訓之任

菁莪樂育舊青衿分教今看振鐸音時雨霑濡泮水藻春風和

協杏壇琴瑟傳藝業詞章妙須識淵源理趣深造就收功應有日定期筮羽列朝簪

贈張處士澄

曾記當年是舊遊今來京國爲吾留一心相與雙青眼千里重逢兩白頭夜雨燈前床對臥春風席上酒相酬明朝分袂情何忍極目長江一葉舟

挽錢塘何處士

隱君松竹滿門庭曾願幽居到百齡白酒熟來長日醉黃梁夢後幾時醒堂前不見椿株老月裏還期桂子馨最是秋風悲感處蕭條木葉淚零零

送泉州李太守之任

星署遷官共帝京黃堂蒞政得專城劍牛交易令人化琴鶴相

隨作伴行夜雨桑陰千里闊春風麥秀兩歧生聖朝正重親民
職時對屏中錄姓名

送太學生金寧還義烏

十春槐市育才賢觀政秋臺又半年問道衣冠超億萬明刑律
令燭三千身還親舍白雲下心向帝庭紅日邊暫爾歸寧應早
用着鞭須在祖生先

壽洪靜菴處士八十五

耄耄年來處士星祥光下燭草堂靈北山隱處無今古南極明
時有丙丁壽域長期椿樹老賢關况得桂枝馨擬看報德揚名
日頒誥推恩耀戶庭

送蔡二尹還永豐

佐命哦松政可爲又勤王事到京師共誇雉在桑陰處謾說鸞

棲枳棘時此日居官無玷累他年列岳有名知多君訪舊還辭
去好盡離亭酒一卮

和曾止菴韻

人重先生作表儀百川可使障東之交來自是忘形久別後其
如會面遲千里寸心長若見三秋一日每相思懸知樽酒論文
好鷄黍何時約有期

竹雪書窗

此君軒外玉塵飛偏稱開簾展卷時衛國好歌淇澳句梁園不
賦灞橋詩坐輿乘興來居久照案窮經就寢遲自是一般堅白
趣歲寒能有幾人知

贈楊指揮茂

拱宸武衛繼先勳立雪曾兼學藝文槐植庭前由乃父轂推闡

外屬將軍已能屏翰南宮省又掌藩垣北浦雲報國忠君須盡
職賞功應得聖明君

送鄭太學字聽選之京

幾年觀政在橋門今日凌霄作鳳騫釋褐已知南部政朝天初
見北辰尊風搖去旆人千里雨浥離亭酒一樽筮仕從今登選
籍好將忠孝答皇恩

送致仕顏知縣歸臨海

幾年解印賦歸來遊賞今從白下回雲壑草堂非紫陌石田茅
屋有蒼苔琴書適意松三徑風月忘懷酒一杯蕭散盤桓真得
意崎嶇肯再出天台

和黃廉使韻

昔年憲使出鑾坡今日升沈奈若何君有寸心清又白我垂雙

鬢黑還幡遇途傾蓋渾如舊對酒論文不厭多別去此心當益
壯姓名不使後人磨

贈浙江陳都司

承勳推轂到東甌制閩雄藩等列侯軍旅不忘聞俎豆貂蟬元
自起黎兜折衝千里風生幕笑咏三秋月滿樓他日論功膺寵
擢樞謨密邇五雲頭

送林廉憲大朝之京

自登桂籍上蘭臺凜凜威風捲地來師帥府州多惠澤澄清藩
屏絕氛埃朝天今入蓬萊境佐國應爲柱石材想見九重深雨
露恩光照耀接三台

贈太學生廖輔

菁莪樂育已成材興起今從璧水來觀政天曹歌棫樸得賢聖

世咏臺萊月中桂子雖違約雪裏梅花定作魁自古晚成須大器化龍應有一聲雷

贈董宣秀才

論秀鬢宮采泮芹才華飄逸氣凌雲點頭未有朱衣筆過眼猶迷錦繡文九仞爲山須日進一聲動地有雷聞飛鳴擬見冲天去好把丹心策世勳

壽金僉憲六十

賓賢振鐸到臺官佐憲觀風凜歲寒已賦三休全晚節初週六甲轉還丹聯芳月裏雙枝桂紉佩庭前九畹蘭恩賜嘉封稱壽日望雲同祝在朝端

挽尹大參

登科授職佐平反揚歷功成到大藩去得二宜方解印歌成三

些已招魂月明海上歸遼鶴雨泣巴中聽峽猿最是淒涼松菊徑主人不在節猶存

送閻鐸大參之浙江

大參藩臬鎮東方佐政行看有聞望好似仲淹呈味草應如召伯舍甘棠紫薇對省春風起紅藥當堦化日長勤恤功成輿論在承恩超擢近巖廓

贈太學生薛黼父爲尙書

采芹化雨入橋門自是良才有善根八座椿庭誇老父五枝桂窟羨諸昆鴈鴻列序方歸塞鴿鳥齊鳴正在原他日冲天應可待共歌棠棣和篋墳

送宋士寬遊湖湘還吉水

簪纓家世學箕裘今得觀光上國遊已覽江都離虎踞又還湘

水轉龍洲紫荊花映堂前日丹桂枝橫月窟秋繼美先賢須勉
勵客途來往莫淹留

贈蘇州顧舉人

世科家學舊簪纓接踵今看更得名冀北羣空誇駿足圖南力
厚快鵬程丹墀策對三千字紫殿臚傳第一聲有志勉旃臣子
事歲寒節操共冰清

送惠崇上人歸鴈山

面壁多年住鴈山飛空一錫到龍灣石頭來處何曾滑松頂摩
時却又還世界十方竿百丈雲霞一塢屋三間也知執意堅貞
好清淨家風只自閑

送蔣進士之京

春風鼓吹送華輶揚旆鳴珂過石頭氣吐玉龍衝斗劍身乘彩

鷁渡江舟鵬程水擊三千里鳳闕天高十二樓想得霑恩深雨
露早朝日日拜宸旒

送潘進士還京

瓊林宴罷賜歸寧今喜還朝拱帝廷玉筍班中看鵠立簫韶聲
裏見鸞停黃門上映郎官宿紫極東連柱史星好把丹心酬聖
主流芳染翰簡編青

贈羅狀元

試罷三場作狀元卽成危行又危言孤忠唐介名何重正色王
曾志不溫愛詠舞雩壇上樂厭看壘斷市中喧大魁直節從頭
數今見先生可弟昆

送表兄潘永泰歸北閣

喬木相依幾舊家多君思我望京華參商久隔千程路書劍今

隨八月槎酒發西風添野水燈明細雨落簷花累觴好盡平生
話別後茫茫天一涯

送詩社倪應奎還四明兼柬中律周先生

善易先生世罕知徧遊湖海客京師幾歌白雪皆難和一展青
囊盡決疑但使協心龜策妙不憂赴隴鶴書遲南歸禹穴逢知
己問道何時有會期

送錢學士奉使交南

聖主恩波遍九垓鳳書飛向百蠻開八磚日影移南極二使星
光出上台金節已過銅柱去翠禽應自越裳來好詩題盡炎風
景歸到詞林更展裁

贈彭舉人還樂清

育才歲久寓賢關今步蟾宮得桂攀八駿馬騰千里外一飛鸞

薦五雲間名登紫極躋羣彥策對丹墀識聖顏桂籍聯芳應有
待春雷聲響滿人寰

贈惠崇上人住持白鶴寺

玉簫峯下有丹霞雙瀑巖間幾樹花佛地金銀爲世界禪門瓶
鉢是生涯會看惠遠招蓮社又聽闍公誦法華我約他年過竹
院相逢閑話梵王家

送湖廣副使嚴君之任

豸角峨冠聳柏臺振揚文教育英才已看立雪門生就又作觀
風節使來心上好同天上月擔頭只插隴頭梅願言勤恤知民
隱敷布皇恩遍九垓

留別寄江傑兼簡方劉二友

天北天南隔兩京盍簪今喜會前盟一杯酒盡君同勸千里雲

飛我獨行紫陌晨光驚噪鵲皇州春色轉流鶯多情遠送重回
首極目征鴻去幾程

詠紅梅

乾坤生意旺離南異種仙姿吐又含肉露冰肌朱淡抹暉添玉
面酒初酣垂絲漫比無情艷碎錦如知有色慚却是漢宮粧正
好瓊林宴裏一花簪

送姪壻潘廷易歸永嘉

薦蘿松柏舊相依訪我迢迢上帝畿爲客初瞻紅日近思親又
望白雲飛一樽酒盡難分袂千里風飄苦拂衣感子意長離別
後此心遙逐雁南歸

鳳臺勝覽別意送趙子懷

金陵自古帝王州爲客今來得勝遊地聳龍蟠山北峙臺空鳳

去水東流沙頭注玉雙瓶酒浦上迎潮一葉舟此去好期重會
日爛柯觀弈幾春秋

送姪瀚邦還樂清

竹林遊處舊家聲猶子曾誇小阮名自是風長兼浪巨非因雪
擁與雲橫庭中已得明珠現堦下還看玉樹生歸去拜吾老叔
父爲言咸籍有前盟

送葉琦舉人會試

一枝高攀步月梯豈知瑞日眼中迷文章有待朱衣點姓字還
看御筆題奮迅九霄冲羽翮飛騰千里快霜蹄恩波從此身沾
沐擬見天書下紫泥

推蓬圖爲陳太常賦

短蓬推起泛西湖滿眼瓊花照玉壺勁質貞姿歸宋璟暗香疎

影屬林逋歲寒彫後無雙種月落昏時有一株多少詩腸描不盡又將清艷畫中圖

寄曦長老

心是菩提明鏡臺早因儒行覺如來詞垣倒瀉三江水禪意凝成一寸灰白雪句從囊裏得青蓮花向鉢中開幾迴寄我連城璧想爾清風絕點埃

和蕭都憲送橙韻

滿樹天香露葉乾摘來聊寄問平安合歡乳橘猶同調和味鹽梅可共酸金塊剝腸珠玉燦瓊漿濺齒雪霜寒南臺都憲新詩好贏得多人細細看

章恭毅公集卷之十終

章恭毅公集卷之十一

章 綸 大經

蔗湖八詠

蔗湖春水

糖霜佳境出名山一派分來震澤間巴蜀雪消添蕩漾凌陰冰泮雜潺湲拖來南浦青藍色泛去東風桃李顏要識川流無晷夜月長西往日東還

石門秋月

天成地戶峙雙崖下浸寒潭寶鑑開桂樹流光沈水府菱花倒影掛瑤臺龍宮洞徹渾無底蟾窟澄清絕點埃到此登臨添逸興笑談一問一停盃

南麓鐘聲

章恭毅公集

芙蓉峯下化爲城中有金鏞且晚鳴不見遺形如繞獸但聞逸
響若奔鯨清晨長樂飛霜早半夜寒山落月明幾度令人發深
省聽朝金闕漏催更

龍井雲氣

靈物淵潛一鑑中無心出處鬱葱葱片時興起離深洞萬里飛
揚滿太空依水蟠泥時困蟄凌風施雨待旃幟歲當大旱黎民
望用汝敷恩豈伐功

屏山夕照

塞門孤嶂壁巍巍晚映斜陽送客歸一抹虹霓橫漏影半腰桑
梓帶餘暉不勞虞國劍回指何假魯陽戈再揮最好倚樓人眺
處落霞孤鷺正齊飛

仙洞夜光

怪底桃源小洞天更深若有火炎然衝霄紫氣雙函外掣電金
蛇百尺顛澤耀采時珠吐艷山含輝處玉生烟由來寶劍逢雷
煥斷出龍泉照九淵

天然釣石

造化生成一釣臺歸然特立枕蒼苔絲綸垂處水雲在蓑笠到
時風月來應有羊裘高世節豈無鶴髮佐王才懸知舉手六鼇
動定得龍梭待震雷

地湧井泉

雲根一脈本源源迸出丹砂似璧圓琴響琮琤寒漱玉鏡開清
瑩碧涵天躍魚應有姜詩孝卓錫無勞景泰禪願把廉泉澄宇
內恩波到處總如淵

寄仁和夏少卿

章恭毅公集

昔年先後步瀛洲九棘同朝拜冕旒請老君曾三自足罷官我
亦二宜休西湖行樂青山暮南蕩歸閑碧樹秋乘興何時來訪
戴造門未必返虛舟

次韻酬葉一得先生來訪

學本醇儒醉六經才高不肯出門庭水壺一片凝風露雲錦千
章燦日星澗底撫摩松樹晚天邊傲睨桂枝馨但求俯仰心無
愧不向人誇我獨醒

過雁山宿僧舍

來往經過雁蕩山招提遊宿在雲間月明風籟令心省天闕星
辰着手攀梵語談禪清洗耳詩聲和酒最怡顏古來竹院逢僧
好今我還偷半日閒

送宗弟廷瑞姪玉山歸永康

宗人千里遠尋盟爲共先公出浦城棠棣紫荆花對發芝蘭玉
樹本同生床前夜雨驚松竹林下春風泛酒觥酌別此時須盡
飲明朝兩地不勝情

寄江西黃布政

補

同榜如君最有才郎官揚歷到行臺紫微對省花長發紅藥當
堦柢自培雨潤一方口惠澤冰清萬壑絕纖埃從今再美甘棠
化應使仁聲遍九垓

九日登高後上樓宴集

家住南山是宕陰攜朋九日共登臨天高氣肅潛升降潦盡潭
清見淺深落帽飄風應醉酒授衣當月正敲砧歡歌却會樓中
飲笑泛黃花滿盞金

寄倪宗伯

征鴻自北向南飛寄我書來爲遠歸千里一心長有憶三年兩地苦相違龍灣江闊迷甌水鴈宕峯高隔帝畿不忘石城分手處長條烟暝柳依依

寄王僉事致文先生

寄來南極壽星圖願我長年與爾俱今古閒中明寶鑒乾坤醉裏樂蓬壺清朝盛世雙居士白髮蒼顏二老臞最羨君先秋思起吳江適意飽蓴鱸

送沙埠葉君洪達歸家

去歲初登君子堂開筵勸客意偏長曾悲我別空投轄却喜君來再舉觴竹葉風生春酒泛簷花雨落夜燈光明朝分手隔山嶽雲樹相思天一方

贈僉憲李君獻齋

桂籍登名上柏臺承恩分憲浙東來駢駢四牡行周道燦燦雙星出上台心地澄清如水月威聲振肅似風雷舊交與我多年別何幸今朝對酒盃

九日登南山

登高履險在南山萬丈峯巒手共攀低視白雲平地上近瞻紅日半天間滿頭花照千莖雪開口人逢一笑顏况有天倫同此會盡懽酌酒醉方還

和杜牧九日登高之韻

九日風高木葉飛晨光清朗不希微翩翩語燕此時去肅肅征鴻何處歸雲樹蒼茫秋氣冽烟波慘淡夕陽暉甕頭春有僧房釀送酒何須待白衣

過館頭江

不到東甌已一年今朝泛鷁渡中川波光瑩潔開明鑑雲影徘徊浸碧天雙塔江心長卓爾九山斗口自依然鹿城舊友重相會一笑春風滿目前

過燮嶺訪同宗吳氏遇雪留飲吟以贈

遠經北閣訪同宗雨雪紛紛植上元淺瀟雖難行滑路泝流深喜得真源盛筵開處春風靄華胄敦時義氣溫再愛林藂培本厚顯榮應見暮山重

七月二日賀千秋節寓嶺店驛

新秋新驛賀千秋祝壽朝天重叩頭目極紫宸瞻鳳闕心懸青禁拱龍樓雲霄縹緲六千里日月光華三百州舞蹈歡呼同萬歲好將醴醪泛金甌

和魏尙書韻奉寄

昔引羣英入網羅門前桃李屬君多東壇上相百官首南極老人雙鬢蟠洛社千年耆德會鑑湖一曲太平歌遙知晝夜相歡處定有高軒載酒過

岳武穆廟追次趙松雪韻

汴京宮闕黍離離大將勤王力拯危和虜釀成秦賊計班師定返岳爺旗長城自壞真堪笑大廈將傾勢莫支君父戴天讎不報孤魂千古使人悲

送經鍊師還金臺

秋泛仙槎已往冬春浮蓮葉去何從丹臺石室歸三洞紫府星壇近九重羽入雲霄原是鶴劍冲牛斗欲成龍從今擬得長生術來往應棲第一峯

贈麗水金進士

靈椿樹老口臺霜丹桂連枝棣萼芳大宋已能先小宋季方未
必後元方池塘夢處春生草風雨聽時夜對床自古齊名兄弟
少今看兩鳳共翱翔

瓊林賜宴 補

三月皇都春滿園上林榮宴集羣仙杯傾御酒恩啣海冠戴宮
花色染烟柱國大臣陪上列教坊雅樂戲華筵日斜醉罷曲江
會稽首揚休拜九天

玉殿傳臚 補

早着藍袍上玉塔五雲飛處九重開樂鳴韶曲中宵奏臚唱雷
聲上界來袞冕降臨明日月衣冠拜舞擁蓬萊微臣從此沾恩
寵拂袖天香滿九垓

初下獄 補 按此首並見困志集

朝奏封章上九天晚來下獄就拘攣肌膚遍歷風霜苦肝膽原
同鐵石堅已有忠言昭日月為因正氣塞坤乾聖心啓沃寬恩
日定使微臣節義全

哭御史鍾同 補 同前

復儲一語重於山自是胸中鐵作肝慷慨捐生今不易從容就
死古尤難釋囚愧我如箕子封墓憐君若比干滿地血汚春草
碧東風泣雨淚洑瀾

章吳同派詩 按原鈔本在附錄中

始祖源流出望仙進公八世在莆田銀青光祿居台地學士龍
圖赤壁賢北閣田頭分有日杏灣烏嶺已經年平園燮嶺同南
閣南閣圖繪兩姓聯

附錄詞一首 按原鈔本在第九卷首

沁園春賀孟太守重剏尊經閣

發迹賢科筮仕星郎轉遷郡城用慈祥愷悌公平爲政黎民悅服感格神明重務農桑尤興學校高閣重修尊五經由來是文翁化蜀治教兼行 暇時召立諸生爲開說經書理義精要持操心術思通學藝道明德立貢舉賢能正是循良養賢爲國立已成人物亦成聲聞在上賜金增秩超擢公卿

章恭毅公集卷之十一終

章恭毅公集卷之十二

章 綸 大經

奏疏

條陳太平致治十六事疏 見年譜

臣惟自古至今聖賢之君有納諫之明而許臣下有敢言之直者誠以天下已治而心猶以爲未治生民已安而心猶以爲未安故堯請問下民舜好察邇言成湯好問則裕文王望道而未之見者此也洪惟皇上以天生聖德嗣大曆服當中興之時承熙洽之運每詔許諸人直言無隱大開言路者此卽堯舜湯文之心而臣下敢言之時也故臣以草茅微賤效芻蕘之策獻葵藿之誠妄敢條陳事宜計一十六件一躬攬乾綱在聖德英明二緝熙聖學在儒臣直說三面議大政在委任孤卿四爲政得

人在重惜名爵五肅正朝綱在激勸臺諫六廣開言路在聽用忠直七敬畏天戒在下詔求言八精慎選舉在舉主得人九嚴明考覈在黜陟公當十守備邊境在選將練兵十一征討不庭在專任將帥十二禁止罪犯在遵依律斷十三官吏養廉在沙汰冗職十四作興人材在教養有道十五端本風化在不許奪情十六饋運救荒在隨宜處置凡此皆內修政事之急務者臣實不知分限昧死言事干冒天威忤觸廷臣非不自知罪及身家然必如是而後見披肝露膽爲臣子之心必如是而後見犯顏納諫爲盛朝之事故雖罪在萬死臣亦不辭一躬攬乾綱在聖德英明臣惟人君之位於上而臨於下正猶天道之運于上而覆于下天道以聰明剛健司生殺之理而樞紐乎萬物人君以聰明剛健司刑賞之柄而維持乎萬民故爲紀綱爲乾綱以

見君道卽天道是道也古昔堯舜禹湯文武成康與祖宗列聖悉皆躬攬而英明以舉之故昔宋臣司馬光上仁宗書曰人君之大德有三其二曰明曰武知道義適安危別賢愚辨是非此人君之明也惟道所在斷之不疑姦不能惑佞不能移此人君之武也李綱上高宗疏曰興衰撥亂之主非英哲其孰能與之惟其英故用心剛足以蒞大事而不爲小故之所搖惟其哲故見善明足以任君子而不爲小人之所間臣請得而極論之人君英武非一端而莫大於信賞必罰人君明哲非一事而莫先於用賢舍佞以言乎賞罰則有功之可信賞者有罪之可必罰者而慶賞刑威之柄爲天子之職之大者也如武臣有折衝禦敵摧鋒拓地之類與夫內外大小官員之廉勤忠愛者隱于下僚巖穴之懷材抱德者因有司之薦舉驗臺諫之公論問之國

人付之該部錄其功之大小而信賞之既無遲留顧惜之意亦無冒功濫賞之差將見賞一人而千萬人勸矣武臣有避難失機覆軍敗績之類文臣有阿諛諂佞妬賢嫉能之類因有司之舉奏驗臺諫之糾劾問之國人付之該部審其罪之輕重而必罰之既無姑息太寬之心亦無過罰淫刑之失將見罰一人而千萬人懼矣是則賞功罰罪之柄實天下臣民勸懲所繫惟皇上之英爲能斷之以言乎用舍則有正直君子之可用者有邪佞小人之可舍者而進賢退佞之道爲天子之職之大者也君子惟知道德仁義爲已有而不知富貴利達爲何物其處也志在恬退自守不求知名於近侍左右其仕也志在忠國愛民不暇自顧其身家休戚故其在朝爲大臣知有朝廷與天下而不知有其身與家孜孜爲國引君當道擢用羣賢共康兆民相可

否於廟堂施惠澤以利天下未嘗趨利避害而有依阿面從之心未嘗持祿固位而有辜負朝廷之恥至其爲臺諫也以犯顏納諫爲忠以緘默不言爲恥其遇朝廷刑賞或有未當用舍或有未公則必合上封章以死諫諍其遇權姦竊弄威福大臣阿附苟容則必廷論其罪以死彈劾古今之時有如是人則爲君子於是驗之諸大夫國人而明察其實然後進而用之若夫小人則不然惟知利之爲利而不知義之爲義惟知富貴之榮而不知道德之貴其未得之也則枉尺直尋屈己徇物惟患富貴之不得其既得之也則白日驕人昏夜乞哀惟患貴富之或失也故其在朝爲大臣則不識朝廷大體惟務簿書期會不知獻可替否惟務阿意曲從求其心則不過欲取媚於時以持其祿以享富貴而天下社稷大計則有所不顧或賞罰失當以害天

下公議或阿附苟容以趨一時豪貴或排黜正士擯棄忠言以失衆望或專務財用屯膏吝賞以失士心其遇權姦變故之時則默默緘口觀望畏避惟恐禍之及身而國家安危邈若不相關者食朝廷之祿而寧負朝廷得權姦之力而不忍負權姦斯人也用之爲大臣則廢朝綱以亂天下用之爲臺諫則阿姦黨而墜直義古今之時或有是人則爲小人於是驗之諸大夫國入而明燭其姦然後退而遠之是君子小人進退之機實國家天下治亂所係惟皇上之明爲能見之然信賞必罰固英武之所當先而進君子退小人尤明哲之所當重

右疏文尙未完按永嘉集內編所載十六條文字具足而第一條與右疏文異茲錄於左以資參考黃羣記

上言十六事疏 見慎江文徵

一躬攬乾綱在聖德英明臣惟人君宜法天道之運隆英明之德羣臣之中有功罪者賞罰宜果有正直邪佞者用舍宜當有君子所當親者有小人所當遠者親疎宜明如此則內外得人矣二緝熙聖學在儒臣直說臣惟經筵進講止以善可法者爲言衍文對語以應故事當直講歷代經史治亂得失之機盛衰興廢之故則聖學日新矣三面議大政在委任孤卿臣惟皇上每早午朝退卽御便殿將臣民奏題事務公孤主意六卿論難臺諫參議選官入閣計議區處如此則庶事無不理矣四爲政得人在重惜名爵臣惟方今都御史侍郎不下二三十員分鎮各處合無止選才幹御史代之如此則官數不多而爵不濫矣五肅正朝綱在激勸臺諫臣惟給事中卽古之諫垣御史卽古之風憲職掌論奏得失糾劾奸邪已任者賜勅激勸之未任者

令吏部簡擇以任之如此則朝綱正而臺諫之任重矣六廣開言路在聽用忠直臣惟自古中興之主無不聽言納諫今直言未見盡行直臣未見顯用自今凡有言者當理卽行未當者亦宜容受如此則言路開而忠直之士勸矣七敬畏天戒在下詔求言臣惟上天災異之見在於垂戒朝廷弭災之道不在於肆赦赦者小人之幸今後有災異必下詔求言使知天心垂戒之故及弭災之法如此則天心回而災異弭矣八精慎選舉在舉主得人臣惟爲政莫重於得人必由於舉主吏部自舉所知未免有限合令大臣侍從臺諫郎官人舉所知得其人則記功非其人則坐罪知州知縣先試任之待有功然後實授如此則承流宣化得人而天下之民安矣九嚴明考覈在黜陟公當臣惟天下之官清謹者少臧污者多今各布政司并直隸先擇

御史十五人大臣十五人每三年一次御史先往微行詢察大臣繼往重復考驗果清謹者陞之臧污者黜之如此則君子勸而小人有所懲矣十守備邊境在選將練兵臣惟北虜在乎謹備預防非選將不足與成功非練兵不足以威敵如昌平侯楊洪武清侯石亨兵部尙書于謙固已重任而爲虜所懼其靖遠伯王驥出在南京今召來京共議邊事仍詔天下諸司各舉諳曉兵法及有謀略者並許自陳然後試其實而用之如此則邊方寧而中興之功成矣十一征討不庭在專任將帥臣惟近者貴州廣東等處征討不利皆因將多又以內臣監軍偏裨以下難遵調度今後止以文臣一人參贊號令賞罰皆出將帥如此則事權專一而平蠻之功可成矣十二禁止罪犯在遵依律斷臣惟大明律乃太祖高皇帝立法所謂罰贖者永樂年間營造

北京始運石米富者得以逭刑無復忌憚今後有罪令有司依律科斷如此則人心服而刑獄自清矣十三官吏養廉在沙汰冗職臣惟官清在有祿以養廉官冗則徒費而無益今於事簡衙門勘實量其能否將官俸糧半支本色如此則官守廉而所食不冗矣十四作成人材在教養有道臣惟國家以養賢爲本養賢以擇師當先其各處教授學正教諭必擇文行優長者爲之提督學校官必擇文行出衆者爲之其鄉都社學擇良學子出而任用有人矣十五端本風化在不許奪情臣惟古者求忠臣於孝子之門能孝於親則能忠於君近年以來內外官員多奪情不奔喪今後除在京公卿守邊重職不可離者可以奪情其餘不分官之崇卑一體守制如此則風俗厚而人得盡其孝

矣十六饋運救荒在隨宜處置臣惟近者征剿貴州等處苗賊今湖廣四川之民饋運路遠艱難宜令彼處各府州縣分人接替如此則運餉易而民不勞矣

陳言公務疏 見年譜

臣切惟今之禦寇事勢遣使亦戰不遣使亦戰其事有不得已者但遣使則戰可緩不遣使則戰在邇宜緩而不宜速也蓋自古禦戎之策以謹備邊防全威制勝爲上不與戰鬪不與通和爲美必不得已而後通和又不得已而後與戰貴乎審處之何如耳誠以不與通和者固經久之法所當守而遣使答禮者亦權時之宜不可無若中國富盛兵強將勇而胡虜衰弱厥酋稽首雖不遣使可也然今觀之中原水旱迭災人民流移河水決潰漕運艱難軍士未至百萬之衆糧儲未有數年之積非無將

帥可爲萬里長城之寄非無戍卒以一當百之勇但年來邊塞稍靜軍民頗安所以養兵息民待時而動而虜酋也先以犬戎之種豺狼之類善於用兵長於詭計弑戮其君脫脫不花兼并西北諸酋部落無君無父背天絕倫理雖可亡勢則猖獗自恃烏合之衆以爲盛強反懷敵國之心有望答禮以天討有罪論之其人弑主要君固當興兵問罪然犬戎獸類不足爲較而在我兵食有未可恃者恭惟皇上以天地之量無所不容納其來意恕其狂惑以兵事爲重以民命爲先此權時遣使之禮有不可以不講也况其悔過順理奉還上皇遣使朝貢于今三年朝廷嘉其敬順天道於其使臣之來賜宴酒食欲罄內廚賞勞金帛不計累萬凡其求請無不曲從蓋少屈恩禮不以爲損而邊境安寧乃以爲重也且今也先旣遣使三千以進貢爲名復遣

使一百以稱賀爲說所進之馬不過羸弱所費之財盡是膏脂朝廷加之以宴勞之禮益之以賞賜之恩而彼貪心猶不自足而又累求遣使有所覬覦者蓋在包藏禍心萌蘖釁端在我旣不拒其進貢絕其賞勞而謹備邊禦寇之具又不權時遣使少答其意而有慢藏誨盜之機則彼狼子野心內顧缺望奮其猖獗忘我恩禮其意必曰我累年遣使朝貢尊敬朝廷而朝廷未嘗差遣一使答禮似有輕忽將必聚合羣醜寇邊有名於是乎邊塞擾攘不得已興兵動衆不惟盡棄前所賞勞之恩於無用之地抑且騷動今後興兵之費於饑荒之時縱使在我必其可勝尙且不免有所虧損而况兵家彼此勝負不常萬一興兵天下多事軍民爲之驚擾宵旰爲之不寧是乃惜一騎之使來意外之憂所謂人無遠慮必有近憂者此也夫不遣使臣而用兵

隄備則當拒其朝貢不與宴賞可也今既賜與賞勞竭天下之財而又靳遣一使召興兵之釁則所與賞賜豈不置之於空用之地乎且受其貢獻費用萬端於我何益而少屈遣使答其來意於我何損蓋禮無不答往而不來非禮也來而不往亦非禮也今在彼有累年朝貢之來而在我無一使答禮之往豈不有非禮之名以爲口實召兵釁之端以害生靈者哉臣切思卽今朝廷之所以不遣使者蓋鑒往日遣使之召兵以爲戒也然往日遣使特以非人之故屈於威武妄許財物少有不副所望則以爲背盟而致召兵之釁也若今遣使而又非人則誠如聖諭不必差遣可也若果得人如宋之富弼則遣使之利誠有過於用兵之害也臣又聞胡虜之爲中國患者其來久矣書云蠻夷猾夏寇賊奸宄雖五帝不能無此慮詩云薄代玁狁至于太原

雖三王不能無此虞降自兩漢以及唐宋擊伐通和布在方冊以漢文帝之爲君海內富庶周勃周亞失之爲將不可以犯其於匈奴之桀驁可無慮矣而乃與之和親以唐太宗之爲君郡縣四夷李靖李勣之爲將可比長城其於薛延陀之倔強可無憂矣而乃妻以公主夫文帝太宗非畏匈奴也非懼延陀也誠以所重者天下百萬元元之命而所輕者和親來往使臣之禮也伏乞皇上斷自宸衷行權處變勅選朝臣之中取其剛毅之士不過遣數騎之使齎常所賜之帛奉勅前往特至其地喻以朝廷威福之大柔遠能邇之恩仍曉以來年遣使多不過十數人而朝廷賜與也先庶幾獨厚若又仍前違約遣使之多則許邊將用兵制勝之舉擊伐追逐與決勝負以天下全盛之師伐胡虜烏合之衆正所謂如山壓卵摧枯拉朽之易耳豈不空勞

連年進貢之勤而來日後無窮之悔則彼頗有人理者無不感格誠爲不損事體不甚傷財暫結來往和好之盟以待天時人事之至于以開屯耕種堅壁城柵養民蓄銳選將練兵俟時而動見可而舉待至來年冬月若虜寇仍遣使人之多則閉關不納拒絕之以塞後患若有犯邊之舉則相機應變勦殺之以挫其鋒但逐出境外不必窮追此乃萬全之計而今則未可易動故臣不避斧鉞之誅而懇切以此爲言也

論鈔法疏 同前

臣切惟寶鈔銅錢自古行使至洪武年間尤爲貴重凡錢糧夏稅等項悉收錢鈔民間並不敢有用銀者是以上自朝廷下至黎庶無不利便實天下軍民之血脈國家萬世通行之利泉而不可有一時無也永樂年間鈔價少減宣德年間鈔價日減又

加用銀賞賜軍士而銀價獨行是以京師專一用銀中間多有詐僞難於行使軍民買賣愈加艱難近年南北兩京及天下各處鈔雖行使而價賤如舊尙得銅錢通行使用便於軍民正統年間言事者不察事理以爲使用銅錢則鈔法不行於是北京獨禁銅錢不行使用殊不知銅錢不使鈔亦不行惟南京及天下各處銅錢依舊使用而鈔亦未嘗不行誠以卽今天下各處水旱相仍軍民艱難幸得銅錢與鈔行使少慰民心如水火穀粟一日不可無者而民以爲命也近者戶部爲因言事者要令京城軍民仍用銅錢遂查出洪武二十七年八月十九日早本部同文武百官於奉天門節該欽奉太祖高皇帝聖旨國初鈔與銅錢相兼行使以便安生近年以來有等頑民往往將銅錢恣意折鈔恁戶部出榜通行各處禁約及查正統年間事例奏

准通行禁約臣切思洪武二十七年以前鈔與銅錢相兼行使至二十七年以後止因將銅錢折鈔以此禁約未嘗爲因用銅錢不用鈔而禁約况洪武年間鈔法流通又兼價貴又有小鈔雖不用銅錢可也今則鈔價不貴其實鈔法不行不因用銅錢而然幸得銅錢兼使民頗安生若又將銅錢禁約則民將何物使用實所以不順民心失民利便如蒙准言乞勅各部都察院等衙門六科十三道會議務要照依洪武初年鈔與銅錢相兼行使仍出榜諭在京官吏軍民人等一應買賣止許用銀糶鈔不許用銀買物買物之時務要照依洪武永樂年間錢價糶易銅錢及用小鈔以便行使如不兼使及仍用銀者卽以違制論罪臣又乞勅各官會議出榜今後凡犯罪律該罰贖者許將銀米照依洪武年間鈔價斟酌得宜於內府或於贓罰庫易出寶鈔交納贖罪及於軍民間有鈔者亦照此價糶易如有阻當不依前價行使許五城兵馬拏送法司依律擬罪亦令本犯將銀照依洪武年間鈔價易出寶鈔交納贖罪如此鈔法自然流通不必刑驅勢迫而自遵守矣

諫幸寺疏

見年譜按有脫誤此錄慎江文徵

臣聞今者京師人傳言以爲掃清街道恭候駕幸隆福禪寺若果有之臣切諫焉臣惟人君應上天之命受祖宗之托作四海九州主一語默舉動爲天下之觀瞻一制作設施爲萬世之法則史官書之典籍載之諺有之曰一遊一豫爲諸侯度誠不可以易動也欽惟皇上聰明睿智承運中興繼祖宗列聖之統膺奉天子民之責帝王之道統於是乎傳聖賢之道脈於是乎續近於景泰二年二月初二日聖駕幸太學謁孔子廟釋奠者三

禮拜者四天下士子皆知皇上尊儒重道爲曠古所罕遇者也
今乃復聞有駕幸佛寺之舉臣切以爲不可臣惟佛者夷狄之
法非孔子之道孔子之道父子有親君臣有義而佛之教則棄
父母而出家遺人君而不仕是無君無父也孔子之道夫婦有
別長幼有序朋友有信而佛之教則滅種絕類遺棄兄弟交結
匪人是無別無序而無信也以此觀之佛非孔子之比而寺之
不可幸也明矣粵稽唐虞三代之時未嘗有佛西漢二百餘年
以及光武之世亦未嘗有佛迨至明帝佛法始入中國由是宋
齊梁陳元魏而下事佛愈謹年代尤促是佛不足以福佑國家
適足以傷風敗俗而已故唐宋盛時如高祖太宗禁絕異端沙
汰僧道而我太祖高皇帝亦議除佛法太宗文皇帝未嘗賜牒
度僧誠以佛非中國之教故也皇上既惟堯舜禹湯文武之道

是述祖宗列聖之法是遵而又爲幸寺之舉是以萬乘之尊臨
非教之地何前之尊儒而今之重釋史官書之而不避典籍載
之而不磨誠非盛代事也近者上天示戒災異迭見河南山東
等處水旱相仍民有饑色老者轉於溝壑壯者散之四方於斯
時也宜體上天仁愛人君之心而致宵旰憂勤之意伏望勅免
幸寺之舉實天下萬世之幸

陳言恤民疏 見年譜並見慎江文徵永嘉集內編

臣聞之天人相與之際甚可畏也人事爲於下則天道應於上
天戒示於上則人事謹於下此感彼應捷於影響不可誣也以
故上天垂戒而災異屢見者此必人事之失不知自省有以致
之而譴告警懼仁愛人君如此之至也然人事之失必有其故
或用非其人或政有缺失虐及於民民不安生疾苦嗟怨之聲

上聞於天以故天屢出災異以垂戒於下當時上下或不知其由而天下之人知之故自古帝王以及漢唐宋賢君其於天戒必下詔求言使凡臣民各陳所見極言時政缺失而不忌諱以見致災之由而朝廷聞之亟改其失庶幾可回天心而弭災變若徒祈禱宥罪及蓄糶儲修隄岸者此特有司之常事耳至於用人是否政事得失因循姑息而不修改則天心回否未可知也或有謂已嘗詔許諸人直言無隱不必下詔求言此則爲臣者失於稽古而不以古之聖帝明君期望故也伏乞皇上斷自宸衷下詔求言務使臣民人等直言極諫各指時政缺失取其切當而隨事修改又乞皇上於是而示徹樂減膳之勅大臣於是而推捐俸救民之仁停工役不急之務節侈用濫賜之財愼差遣之擾民罷補官之俸給備救荒之義倉汰僧徒之蠶食憫

遞運人夫之苦薄收斂糧儲之重寬農民之運糧恤軍士之勞役止納粟以抑僥倖勸屯種以蓄邊儲嚴考察以明黜陟信賞罰以示勸懲清天下刑獄之寃滯罪軍民越訴之誣陷修學政以養人才之本原采善言而戒大臣之自用重公輔之名爵杜署職之奔競凡此之類悉勅諸司改而行之乃所以修政事而安生民回天心而弭災異天下生民何其幸也

中興時政疏

見年譜

切惟詔書一款科舉歲貢自景泰元年爲始一依永樂年間例行不許更改者誠以科舉歲貢乃取士用人之淵藪立賢無方之正途貴在精選得人非可以額限制譬猶取木於林巨細畢舉而大材出焉取魚於海網羅無遺而巨鱗在焉粵稽諸古選舉之法始於周進士之科起於隋自唐及宋舉人進士前後有

數多寡不一訖無定額國朝洪武永樂年間鄉試會試俱不限名亦未嘗濫取而得人最多宣德年間始以科舉之濫額定名數固爲精選而得人矣然所得之士未必有過於洪武永樂年間所得之士也若夫太學養士起於唐虞三代以及兩漢唐宋置弟子員亦無定額國朝洪武永樂年間天下歲貢生徒盡數充養不下數千餘人未嘗有放回依親之例至宣德年間又以歲貢之濫減定限制卽今天下混一人才衆多中外仕籍足以充用不患舉人之多也南北兩監足以教養不患監生之衆也若以多取舉人爲濫而定爲解額豈若納粟補官之濫乎况以文取士出乎公論未必至於濫也若以多養監生爲衆而放回依親豈若僧徒蠶食之衆乎况養賢用士期以澤民雖多不爲害也夫科貢天下至重之事詔令天下傳信之言誠不可輕易

改動有失天下之望今後科舉取士務要監臨提調考試之官一出乎至公精選不必限名但以文章純雅三場相稱爲度其文若不中式雖不滿額亦不濫取及明年會試舉人乞照洪武十八年永樂二年事例多取進士而名在三甲者除授知縣必能守職至於歲貢仍照永樂年間例候至豐稔之年悉取入監教養庶幾遵守乎祖宗之舊制有合乎天下之公論不拂乎詔令之旨也

論朝貢疏 同前

近因虜酋也先來書僭稱可汗奉旨回賜勅書當如何稱呼他六科給事中及安遠侯劉溥具題以爲不可徇彼所稱六部等衙門具題以爲姑徇彼俗稱瓦剌可汗奉聖旨亦不可徇其僭稱但今回賜勅書如何稱他必有至當臣愚以爲六科并安遠

侯所言則見也先爲亂賊之首不可徇其僭稱固爲不易之理六部等衙門所言則爲邊境生民之計意欲徇彼常號實乃權時之宜至於欽奉聖旨事理則又欲用權而不背乎經此乃至當之論誠以可汗二字在中國固以爲戎狄酋長之稱在戎狄則比爲中國皇帝之號觀其稱唐太宗爲天可汗稱元世祖爲成吉思可汗蓋可見矣夫脫脫不花爲可汗乃其世傳所稱名猶近正也先逆賊弒主要君自稱可汗名實不正今若徇其僭稱則彼狼子野心縱其桀驁必以爲中國天子亦稱我爲可汗夸視其羣酋羣酋畏服無復携貳則部落并一勢力雄長必有窺視中原之志日後之禍未可測度且在我中國以爲苟安而將士之心必怠異日對敵誰肯當先此所以徇其僭稱爲不可也若仍稱爲太師則彼必曰我今以爲天可汗數遣使朝貢而

朝廷仍稱太師是拂我意於是奮其猖獗犯我邊境生民爲之荼毒中國爲之不寧而向也我之所以待其來使厚與金帛皆置之於無用之地矣此所以不徇其所稱亦不可也今朝廷嘉其敬順之意賜其回答之書旣不可徇彼所稱又不可無其名號徇彼所稱難保其不擾邊不徇所稱未必真懼其擾合無處置得宜賜勅封之爲敬順王或稱爲瓦剌王因而賜與金帛庶幾得爲用權合經之理若其起釁擾邊則我聲罪致討以征則名正言順以守則堅壁清野義兵所在天戈所指討伐不義之人譬如摧枯之易蓋皇上居中國而撫四夷乃一統華夷之主非有敵國之比且天下之大四海之廣所養將士用在今日况也先未必見其真起釁端而自絕其往來之利也然勅書中必見脫脫不花乃大元之後其稱可汗理所當然也先太師乃其

臣也自稱可汗實爲僭竊我爲華夷之主而兼與奪之柄雖未興師問罪然亦難徇所稱蓋天無二日土無二王兩帝並立誠起爭端今爾旣每來朝貢敬順朝廷特封爾爲敬順王所賜金帛仍如舊數然看來書所言傳國寶在爾國中夫唐虞三代未嘗有此惟以德治天下至秦始皇始有此寶不二世而亡今我乃復唐虞三代之舊不必有此而爾大元天命已革徒有此寶將何用哉以此諭之則不惟折服醜虜夸大之心抑亦可以興起在我將士之志雖然王者不治夷狄譬如禽獸而在我量時度力亦不可無若天時人事未可易動則姑徇彼俗酋長之稱亦不爲中國之害與其興師擾邊則寧若姑與二字而在我選老將練強兵不可不爲之豫備事勢如此伏乞聖裁

論科舉疏 同前

臣惟分南北中取士固可權一時地土之宜而定解額取士則有非今日事理之當誠以宣德正統年間各處鄉試俱定解額及至會試總數多不過一千餘名以此進士額數可以止定一百名或增至一百五十名爲當若今景泰四年各處鄉試不拘解額及至景泰五年會試總數二千九百餘名比之宣德正統年間加倍過多况鄉試會試之日科場之中有司買辦供給不計巨萬若一概照例定額取士數少誠恐中間好卷數多拘以定額未免有遺棄人才以玉抵鵲之歎夫取士之途惟進士得人爲最多自洪武永樂年間以來至於今日列職中外上自孤卿下至守令往往有得人之稱且官至極品勤勞王家者多在繫名榜末之人而名在前列者或無可稱蓋取人以文爲度如果合格雖多至千百亦不爲過果不合格雖少至十數亦爲至

當但不可以合格之文而舍之不取不合格之文而強取之也
乞勅吏部查考天下見任官員缺數咨報本部本部仍查歷科
會試舉人名數比之見今會試舉人較量多寡但有文章中式
具名數以問請旨定奪或以多取得人爲美或以十分取一爲
當蓋人才難得而進士可用仍乞勅於二甲三甲中除京官足
用外或任用縣正官非惟士子之幸實生民之幸也其有中在
副榜而告願入監者舊以二十四歲或三十歲爲限及至再試
多有中在魁選建功立名以此中間願就教職者少開榜之後
往往自減年歲赴部告脫紛然攪擾無如之何乃景泰五年會
試副榜舉人合無以歲報冊爲準定以三十五歲爲限其三十
二歲以下及在監年深各衙門歷事聽選者許容告辭其新舉
人年至三十五歲以上及坐監年淺者不許告退如此庶幾事

體歸一不致臨期告擾而教職亦得其人矣

修德弭災疏

同前

恭惟皇上繼統中興卽位以來于今五年爲因災異屢下明詔

反躬自省許人直言真可謂有敬天勤民之心聽言納諫之至

雖古帝王不過如此但臣下進言未切奉行未周有負陛下之

心耳夫窮居之人尙憂天下之事布衣之徒猶言朝廷之政而

况臣以一介草茅荷蒙聖朝作養叨與朝列夙夜思惟可無一

言以圖補報故有所見不敢緘默今將所言事件條列于後一

曰畏天戒二曰任燮理三曰養聖躬四曰節幸御五曰務儉約

六曰勤論政七曰敦孝義八曰慎賞賚九曰重名爵十曰革巡

撫十一曰擇重臣十二曰辯異端十三曰却貢獻十四曰汰冗

官各開條目備陳以聞臣非不知逆耳之言出而身必危然臣

身輕而朝廷爲重使朝廷事安而臣身死亦無憾矣蓋爲天災民困之極不得不然臣若不言則實有負於朝廷而爲不忠之臣矣一日畏天戒臣惟天之仁愛人君可謂至矣既出災異以譴告之又出怪異以警懼之所以欲治其亂而開其治也於是人君體天之心而愈加警省德有未修則戒謹恐懼之不暇政有未善則更張改易之不遑務欲應天以實而不以文庶幾天心感格轉災爲祥不然則天心未易回而禍變未可測也豈不可懼之甚也哉臣請詳言其實近景泰五年二月二十四日節該欽奉勅諭邇者自冬徂春雨暘弗順或積雪連旬或窮陰彌月欽此臣惟陰陽在天而人事足以感之政事在人而天道有以應之夫在天之陽曰日日曰晴曰暘曰燠陰日月曰雨曰陰曰寒在人之陽爲君爲夫爲君子爲中國陰爲臣爲婦爲小人爲

夷狄君修德而夫行義君子在位而夷狄向化刑當其罪賞當其功賦役均平暴橫不作天地之間無一夫不獲無一物失所則在人之陽足以勝陰而陰有以承之於是至和之氣上感於天則日當食而不食雨暘燠寒風各適其時而豐年祥瑞安寧壽考無適而不然若國無政不用善使臣子邪佞妾婦嬌妬小人進而君子退夷狄強而中國弱刑不當罪賞不當功勞苦不時賦役繁重綱紀散壞怨讟並興則在人之陰足以勝陽而陽無以制之於是乖戾之氣上感於天則日當食而必食雨暘燠寒風恒有咎徵凶年水旱災沴疾疫無處而不有此感彼應捷於影響理必然也今在京在外山東河南等處積雪窮陰南至浙江湖廣等處彌月雨雪深盈數尺自古南方向不凍冰今亦凍冰而可行車走馬人畜凍餒而死者不可勝計此乃陰壯之

盛而天之所以譴告之者亦已至矣今又以四月純陽之月而日有食之或亢陽久旱而不雨或大風揚沙而不時純陽而食陽弱之甚也亢旱大風常陰之罰也此天之所以警懼之者又何如哉天意若曰皇上天性聰明春秋鼎盛既躬理庶政而一日二日萬幾之柄不可委之於下委之則陰行陽之事矣既信任大臣而公孤變理寅亮之職不可虛有其名虛之則陰不能以承陽矣內臣不可干外政今則鎮守監軍分列中外不惟供給買辦以擾民而實臨事專權以誤事藩岳不得以施惠將帥不得以應變且天下軍民毀傷遺體以爭身而進用者繩繩不絕而陰過於盛矣異端不可亂華夏今則佛氏僧徒盈滿四海不惟傷風敗俗而無補於朝廷抑且不蠶不耕而奪民之衣食聖道以之而充塞民心以之而誣惑且逃軍逃民遺棄父母以

出家而爲僧者比比皆是而陰極其盛矣後宮不宜盛聲色聲色盛則政事荒怠而賢者隱處佞臣不可借威福威福借則諍臣杜口而下情不達非陰之閉陽乎食用貴儉約而戒奢奢則必至於傷財傷財必至於害民况今歲荒民困而尤不可以不儉也爵賞貴乎當而不宜濫濫則名爵必加於無功重賞必至於無名况今爵賞已過而尤不可以不當也非陰之背陽乎凡此陰盛之類不可枚舉而皆足以致災誠不可以不修改而更張也不然則人心必離而天意終不可得而回矣七曰敦孝義臣聞伊尹告太甲有曰立愛惟親立敬惟長始于家邦終于四海孟軻氏有曰堯舜之道孝弟而已矣誠以孝弟者百行之本萬善之長天子之所以德教加於百姓刑於四海者不越乎一孝弟而已本朝以孝治天下而友弟之義皆孝所推恭惟上聖

皇太后皇太后兩宮爲天子母尊之至也皇上以天下養養之至也故孝子之至莫大乎尊親尊親之至莫大乎以天下養以天下養者在乎躬親養之躬親養之庶幾謂之至也伏望皇上於退朝之暇必朝兩宮尊奉上聖皇太后皇太后而修問安視膳之禮是卽古帝王之孝也臣又恭惟太上皇帝君臨天下十四年是爲天下之父也與皇上同氣異胞是爲至親之兄也皇上向曾親受上皇之册封是爲上皇之臣子也上皇親征戎虜被留虜庭嘗有詔旨傳位於陛下是以天下授陛下也陛下尊之爲太上皇帝是爲天下之至尊也幸而奉迎還宮是皇上之至願亦天下之至望也蓋上皇爲陛下同氣之親兄陛下爲上皇同氣之親弟形雖爲二其實一人况上皇天性謙冲意無彼此伏望皇上於朔望日或節日一幸南宮率郡臣朝見上皇於

延安門以敘連枝同氣之情以極尊隆崇奉之道是卽古帝王友弟之義也臣又竊觀北極五星在紫薇宮其第四星爲后宮五星明大則吉以臣觀之是復中宮之象而位不可虛也誠以后妃之德風之始也所以風天下而正夫婦也臣伏覩正統十四年九月初六日詔册妃汪氏爲皇后以厚大倫之原是已正位中宮而孝敬勤儉之德已聞於中外矣至景泰三年五月初二日詔册皇太子其母杭氏爲皇后是固所以正大本明彝倫而中宮之位久讓而弗居也不意景泰四年十一月十九日太子薨逝臣民莫不痛心此事之既往者固不必言矣然而中宮之位不可以久虛而義之所當復也臣伏望皇上復后汪氏於正宮則皇子大本不期而有六宮儀範不期而正而國家之本風化之原自可表正四方流傳萬世者矣至於儲位亦不可久

虛伏望皇上推同氣猶子之義詔沂王復居儲位以爲天下之本如此則五倫全備而和氣充溢於宮庭萬姓愛戴而歡聲洋溢於四海殆見天心自回災異自弭而胡虜不足平矣

右疏條陳十四事有起無結且僅載第一畏天戒第七敦孝義兩條餘皆佚而慎江文徵永嘉集內編均載有養聖躬勤論政敦孝義三條其敦孝義一條按與右篇文字亦有異同茲并錄之如左黃羣記

養聖躬勤論政敦孝義疏

一養聖躬臣聞天下之本在國國之本在家家之本在身身之本在心大學曰心正而後身修以身爲天下國家之本而心又一身之本也天下安危繫於人君之一身身安則天下安天下治亂出於人君之一心心正則天下正欲安天下必先安身欲

正天下必先正心此當務之急也臣恭惟皇上一身乃天地宗廟社稷之所付託天下華夷臣民之所仰望祖宗列聖萬年之業在是聖子神孫萬世之統緒在是誠不可不保養而所以保養之者莫切於遠聲色也昔唐太宗欲納鄭仁基女魏徵諫止之憲宗時教坊使稱密詔選良家女子納禁中李絳上疏乃悉還之文宗取李教女入宮魏謩諫而出之此古忠臣愛君必拂其邪心防其嗜欲置君於無過之地正心以爲安天下國家之本使天下莫得非議也伏望皇上思天地祖宗社稷付託之重念天下臣民仰望之心宵旰憂勤日夕惕誠以安天下而於深宮之內遠美色退聲樂以保養聖躬誠以帝王一動一靜天鑒臨之天下知之史官書之昭示天下以監戒後世不可得而掩也

一勤論政臣聞君上臣下固有天尊地卑之分然元首股肱則有同心一體之情故於退朝之後便殿問答如家人父子相親於一堂之上非天地懸隔邈然不相近也故堯舜禹啓成湯太甲盤庚高宗文武成康宣王之爲君臯夔稷契伊尹仲虺甘盤傅說周召仲山甫尹吉甫之爲臣或都兪吁咈而規戒於朝廷之上或謨明弼諧而陳論於堂陛之間或君告臣而曰予違汝弼爾無面從或臣戒君而曰罔遊於逸罔淫於樂上下之間更相告戒故能贊襄治化而致雍熙泰和之盛以爲不如是則君臣上下情不交孚而治體民情莫得而知也我朝祖宗列聖之於諸臣常命左右以備顧問或於大誥首著君臣同遊之篇或於勅諭而有旁招俊乂之語伏望皇上以歷代帝王及祖宗列聖爲法每退朝之後許師保尙書諸大臣及六科十三道五品

以上更番於便殿以待顧問各條答事宜必言救時急務如此則足以明四目達四聰而於民間利病無不周知矣

一敦孝義臣聞伊尹告太甲有曰立愛惟親立敬惟長始於邦家終於四海孟軻氏有曰堯舜之道孝弟而已矣誠以孝弟者百行之本萬善之源天子之所以德教加於百姓刑於四海者不越孝弟而已矣故大舜父頑母嚚克諧以孝周文王事王季一日三朝漢高祖五日一朝太公文帝侍薄太后疾目不交睫衣不解帶是孝之可法如此唐玄宗初卽位爲長枕大被與兄弟同寢殿中或設五幄與諸王更處其中或置花萼樓召諸王同宴是友愛之可法如此臣伏望皇上於退朝之暇必朝兩宮尊奉上聖皇太后太后而修問安視膳之禮是卽虞舜周文漢高文帝之孝也臣恭惟太上皇帝君臨天下十四年是爲天下

之父也與皇上同氣異胞是爲至親之兄也皇上曾親受上皇之册封是爲上皇之臣子也上皇親征戎虜被留虜廷嘗詔旨傳位於陛下是以天下授陛下也陛下尊之爲太上皇帝是爲天下之至尊幸而奉迎還宮是皇上之至願亦天下之至望也上皇爲陛下同氣之親兄陛下爲上皇同氣之親弟形雖爲二其實一人况上皇天性謙冲意無彼此伏望皇上於朔望日或節旦幸南宮率羣臣朝見上皇於延安門以敘連枝同氣之情以極尊隆崇奉之道則國家天下之福萬世帝王之法也臣又竊觀北極五星明大則吉以臣觀之是復中宮之象而位不虛也誠以后妃之德風之始也所以風天下而正夫婦也今茲詔册妃汪氏爲皇后以厚大倫之原是以正位中宮而孝敬勤儉之德已聞於中外矣又詔册世子母杭氏爲皇后是固所以正

見聖賢之像則竦然起敬而有願學之心致知以明倫典而推原乎性命存心以敦倫典而涵養乎性命而皆習於學宮得乎師授待其學精行成舉而用之分列中外而任以大小之職內自公卿侍從臺諫外及藩岳守令儒學莫不誠意正心舉行政教各盡其職由身修而家齊國治天下平者蓋皆出乎廟學之人之所爲也此古今天下國都郡縣之有廟學所以爲重而或有廢墜則不可以不修不修則無以爲養賢之地也黃巖縣儒學廟堂近廢而今復修葺而興舉之蓋有見於此歟學在縣治之南宋元豐中建本朝宣德十年邑宰周侯旭鑑重修越歷歲久兼瀕海隅颶風暴雨堂舍傾圮惟存禮殿僅高丈餘湫隘弗稱成化己丑前監察御史今令縣南海鄺侯文以不附左遷是邑謁廟之頃徘徊顧瞻謂此不足以爲先聖先師釋奠釋菜之

廟諸生肄業習禮之宮愀然爲之不樂者久之乃閱藏無餘積
詢諸父老僉言縣治東有廢寺僭民居多願易之可以得直爲
修學費時刑部侍郎魯公鞏巡撫兩浙以是白之既久乃下令
質寺基售白金一十七鎰而檄本學訓導謝諒生員蔡淵何巒
司其出入而相與左右協贊會計用度募匠庀徒分任其役遂
撤舊葺更覆之首建大成殿及兩廡櫺星門規模宏敞視舊逾
倍次及明倫堂因其舊而加飾之徐構進德修業兩齋及會膳
堂各三十楹左右繞以齋舍四十餘楹莫不翬然軒豁學側居
民侵地按圖志復之其右南偏且隘以白金六鎰十兩易民地
方之又創先賢祠以祀鄉之先哲而繚以周垣固以扁鐫若先
聖四配十哲七十二賢及歷代諸賢遺像悉加彩飾至於祭器
樂器庖湍庫廩無一不新焉其梁柱榱桷闌之摧朽則盡易

直咸悅服而去黃堂無事日詣庠序課諸生肄業進周旋暨綸
等至府講論每朝親授書改課既而周旋狀元及第綸等亦第
進士公指教居多浙江布政司王公澤以其治行上聞將賜璽
書增秩而禮部尙書胡公澐荐之陞刑部右侍郎濱行官軍民
父老男女不下數萬多塞城郭號泣攀留公歔歔揮涕而居民
隔江者悉皆望風拜伏悲泣而歸思之不已爲立生祠歲時祭
祀其在朝廷數上章言事悉關治體論囚獄則廣求其生多所
平反論征麓川則乞詔諭之使其謝罪入貢既而以疾求退居
家杜門景泰初復起以爲吏部左侍郎時北虜也先議和公倡
言請遣大臣迎車駕還京明年陞尙書既而陞太子太保倦倦
以進賢圖治爲心而好惡不一或有青蠅之讒乃力求退遂致
仕數年而卒此其平生之大節皆可書之列傳不止卻金一事

綸公之門生因併傳而記之

黃巖重修文廟記 同前

天下政教本乎廟學始於縣治廟以尊聖賢政教之所由出也學以養士子政教之所由行也是以從古至今上自國都下及郡縣莫不設學興廟以爲政教之本而必始於縣治者何也由近以習遠也縣一同之邑百里之地或十室焉或千室焉必有邑宰之賢遵聖賢之道而躬行以爲之先道之以法制禁令教之以孝弟忠信而或不從者則有八刑以糾之五禮以規之而民無不治俗無不化是有政教而縣以治矣於是邇而推之州府牧伯以及天下莫不欲縣之治自近至遠達于天下縣治皆然而天下平矣此縣治之所以爲始而推本之則在於尊聖賢之廟養士子之學士子之所學者聖賢之道也入聖賢之廟

大體明彝倫而中宮之位久讓而弗居也不意世子薨逝臣民莫不痛心此事既往固不必言矣然而中宮之位不可以久虛伏望皇上復召汪氏於正宮則皇子大本不期而有六宮儀範不期而正國家之本風化之原自可表正四方流傳萬世矣至於儲位亦不可久虛伏望皇上推念同氣猶子之誼詔沂王復居儲位以候皇子之生如此則五倫全備而和氣充溢於宮廷萬姓愛戴而歡聲洋溢於四海殆見天心自回災異自弭而胡虜不足平矣

論婚禮疏 見年譜及慎江文徵

臣伏覩天順八年正月十七日欽奉英宗睿皇帝遺詔內開嗣君繼承爲重婚禮不宜過期百日外有司請行毋得過違欽此欽遵臣切惟先帝天地父母之心高厚覆載之念慈愛無所不

至遺命固不可違但皇上以虞舜大孝之聖人爲武王孝思之天子必謂先王制禮心喪三年山陵尙新元朔未改百日外行婚禮於心不忍就行况禮謂三年之喪達乎天子父母之喪無貴賤一也蓋自天子達乎庶人三代共之漢唐以來英君義辟雖從易月猶服心喪釋服公除在前代固有定制諒陰婚配於今日不忍隨宜臣切恐在下有司毋違遺命百日過後或有請行誠以道之造端起乎夫婦事之謹始切於隱微易首乾坤而重咸恆詩首關雎而正風化書記釐降禮謹大婚君子戒懼尤切此時况當皇上君臨天下之初正法堯舜之始以孝治天下以道率臣民譬如太陽出暘谷大明麗中天三綱五常實原於此且春秋萬歲今十有八年待及期祥乃十有九歲彼時婚禮未爲過期此非愚臣一己之私言乃天下萬人之公論恭惟皇

上聽言納諫捷如轉圜之日正言路大開臣子盡忠之時非堯舜之道不陳於前非先王之法不言於上伏望皇上大明日照奮斷乾剛特降玉音詔諭臣下待過來春之日議行婚禮之期則天下萬世幸甚

記

卻金館記

見永嘉集內編

廣昌何公文淵宣德中守溫時以朝覲之京道經栢蒼馮公嶺夜宿旅邸永嘉縣丞于建遣其子閒道懷金贈公公笑而卻之其人慚而退過客聞之遂書卻金館三字於壁有司因就其地創造亭館一區且以卻金館三字立坊揭事於道左自此往來士夫商旅皆於此宿而騷人墨客咸形之聲詩歌詠揄揚其美至今五十餘年亭館如舊而坊額漸有朽腐溫州府三山項公

澄乃捐俸金託余揮使昶復修葺之既成而屬綸記爲後人勸然此特公之一節耳若公之爲御史爲郡守爲司寇爲冢宰其政行設施則又歷歷有實蹟爲可徵焉洪熙改元乙巳考察四川吏治貪暴望風解印時屬大旱所臨郡邑輒兩人謂之御史兩巡建昌行都司經貴州出播州宣慰楊某迎謁獻銀器文綺公亦笑而卻之宣德丙午敕清山東戎伍直枉發匿歸于當理選察南京各道弊政悉爲肅清又奏准審刑贖罪擇耆勸善等事通行天下既而歸省途中遇盜悉空縣丞張履道所寄白金一鎰獨存封識如故舉而還之庚戌五月尙書郭公連御史顧公佐等荐公等九人知諸府事公得溫州奉敕馳傳之任初至問民疾苦察政得失凡所舉行興利除害之事未期月政化大洽號稱平治爲循吏第一至于鄰郡訟者亦赴愬焉公辨其曲

以堅壯瓴甃丹漆黜堊之隳墜則悉更以繕作其費或不敷則又皆出乎令之經畫與凡供給餼廩悉有程度而一毫不擾於民不勞於官蓋既勤垣墉惟其塗暨茨旣勤樸斲惟其塗丹雘厥事所係可謂重大起成化庚寅仲冬畢辛卯仲秋功斯落成煥然改觀於是鄜侯令教諭黃君喬孟訓導陳君溫具事迹而遣生員符洪信章加祥齋幣詣余求記將立石於學以垂永久夫廟學政教之本而鄜侯能舉其廢墜縣治政教之始而鄜侯能成其績業可謂賢令尹而推廣之有日矣矧黃巖東南大邑代出名賢而儒學養士多中科第爲他郡冠而今重修廟學蓋又有待於後賢斯不負修舉政教之意必也翫味經史心聖賢心踐履實行道聖賢道他日由科目爲國家用則又皆正直公平無偏黨反側業聖賢業大敷政教爲豪傑之士科目云乎哉

重修褒忠廟記

同前

第四輯

宋忠州刺史兼山東路忠義軍都統制知楚州魏公勝及金徒單克寧戰於淮陽無援死之詔贈保甯軍節度使諡忠壯立廟於鎮江府京口鎮錫號褒忠官其二子重死節也年代既久廟乃隳本朝正統中郡守郭濟乃重創而歲祭之天順壬午郡守四明姚堂見是廟復壞乃捐俸倡募經始於是年秋八月甲子落成於冬十一月癸巳於是規模氣象煥然可觀將立石爲碑走書徵予記而銘之以垂永久余按宋史列傳魏公勝字彥威淮南宿遷人也當二帝北狩高宗嗣位張韓劉岳諸將竭忠報國公生於此時多智勇善騎射居山陽紹興三十一年金兵南下將籍諸路民爲兵公躍曰此其時也乃經畫市易課酒權鹽勸糶聚義士三百北渡淮取漣水軍諭以忠義遂復海州擒其

郡守高文富權知州事自兼都統制而朐山懷仁沐陽東海諸縣皆定乃蠲租稅釋罪囚發倉廩犒戰士紀律明肅如宿將益募忠義圖收復遠近響應得兵數千取沂州殺其守降其衆三千得器甲數萬金遣蒙恬鎮國以兵萬餘攻海州公出兵迎戰於新橋大敗之殺鎮國軍聲益振傳檄山東招諭結集以待王師之至沂州民壁蒼山者數十萬被金兵圍砦月餘衆告急公提兵往救陣於山下遇金兵伏發以五百騎圍數重公單騎以大刀馳突肆擊陣開復合移時被創冒刃出圍馬蹠步而入砦無敢當者砦中絕水公默禱而雨作又度金兵必復攻海州乃閒出砦趨城中金兵果來兵出戰皆捷爲矢所中自鼻貫齒不能食督戰益力金主亮舉兵渡淮分軍攻海州公與沿海制置使李寶帥舟師邀擊於膠西之唐島又獲金兵之在舟中者殺

其將鄭家僕等既還爲捍禦固守計金兵又來攻公拒卻之始奏公授閤門祇候知海州兼山東路都統制招集山東忠義激勵士卒竭力捍禦金兵至望見魏字旗卽走又厚遇金諜者及恩惠來歸人曰山東河北歸附日衆金遣山東路都總管以兵十萬攻海州公率衆合李寶軍大破之金又遣五斤太師發諸路兵二十餘萬來攻海州公擇悍士三千餘騎拒於石闔堰鏖戰殺數千人拒卻其圍城之兵又大戰斬首不可勝計轉閤門宣贊舍人充山東路忠義軍都統制兼鎮江路前軍統制仍知海州後被讒於督府罷其職既而知其誣復之仍遣還海州鎮撫改忠州刺史公在軍未嘗一日懈弛築城浚隍塞隘恒如寇至又自創如意戰車數百輛砲車數十輛乘載輜重行止禦敵進退俱利上其製於朝詔諸軍遵其式造焉孝宗皇帝隆興二

年以議和撤海州戍命公知楚州時和議未決金兵乘其懈以舟載器甲糗糧詐稱運糧往泗州自清河口出欲入淮公覘知之身率忠義士拒於清河口勝負未決金徒單克寧帥生兵至公與之力戰告急於都統制劉寶寶不之救公矢盡謂士卒曰我當死此遂中矢墜馬卒年四十五事聞詔加贈諡立廟祀之又官其二子郊忠州刺史昌承信郎於乎臣子負忠勇之氣報君父之讎不幸失援而罹死難若魏公者人豈以死視之哉將事之如長生焉何也以其負正氣全正理於死生之際雖死猶不死也而其忠憤痛切之心天理民彝之懿足以感動後人錫之廟祀雖至於千萬世之遠事之如一日此人心之所以不死也於乎其烈矣哉銘曰忠臣奮勇創義興兵敵王所愾恢復邊城遠近響應赫赫厥聲招降救難莫之敢膺屢敗厥寇爲其背

盟戰不顧身竭力推誠屹爲保障長城可名議和中沮猶力戰
爭不幸無援死於忠貞綱常正理於此不傾天經地義金石是
銘贈諡立廟世祀其靈一時之死萬古之生

序引

畏菴周先生文集序

見永嘉集內編

故翰林侍講兼春坊左庶子永嘉周先生旋著文若干卷廷對
策一卷建言時事一卷今大尹安成劉侯遜將編錄成集命工
鐫梓以傳於後又命先生之子府學生纓來求予序於乎文豈
易言哉文言之精者所以足言詩又文之精者所以言志皆所
謂載道之器出乎心而本乎道足以關世教之勸懲係風俗之
美刺斯爲知道之言而垂法於天下後世者也易書春秋禮樂
之文國風雅頌之詩論孟庸學之書莫非聖賢心智神明妙契

斯道故發而爲言皆天經地義經天緯地之文亘萬古而不磨
與天地四時日月相爲悠久以道鳴者也下至屈宋之騷賈董
之策遷固彪曄之史班左張揚之賦蘇陶謝李杜元白歐蘇曾
黃虞楊范揭諸公之詩韓柳歐蘇王曾陳胡姚袁程馬劉蘇宋
方諸公之文及他諸作之顯者不能盡舉蓋皆大家名公文章
正宗之顯於天下後世皆寓乎道而鳴者譬如名山大川五嶽
四瀆之流峙於海內爲四方千載之望卓卓乎不可及也若夫
關閩伊洛周程溫邵張朱諸君子遠繼魯鄒洙泗之絕統直與
孔曾思孟性理之學相爲表裏以道鳴於天下後世又非漢唐
諸儒文章之比文豈易言哉天下四方之善爲詩文者多矣若
吾溫郡有王景山周行己劉安節宋之才許景衡葉味道章仕
堯史伯璿諸先生皆得伊洛之學以道而寓諸文戴述張輝張

聞陳鵬飛王十朋徐履木待問薛叔似蔡幼學葉適以至李孝光孔克表黃淮諸先生皆得學術之醇以詩文而本乎道若今繼黃之後則周旋先生矣先生字中規自少遊郡庠篤志於學登名浙闈甲榜禮部廷對第一蓋得乎道而發爲文者初授翰林修撰陞侍講兼左春坊左庶子侍從宮廷出入禁掖或承詔出使或承恩省祭以及宴會餞送遊觀贈別皆形之咏歌製爲序記等文悉皆典雅閑淡適情遣興如行雲流水不假雕琢而足以膾炙人口矜式後學蓋皆出乎道而無愧乎前輩者知道之言也故爲之序

重修章氏譜序

見原鈔本附錄

人之苗裔有自來矣其後也千億其始也一人一人則氣之所自來而宗族之所同也自我之近者視之同我之所生者兄弟

也兄弟本父一人所生固如手足之相親於是溯而上之有父同生之兄弟有祖同生之兄弟有高曾同生之兄弟自高曾而上以至始祖莫不皆然而實一人之苗裔也何至世遠之後子孫遂有不慶不弔相視如塗人者其故何哉以不明兄弟本同一人之義且無譜系以屬其心故也此仁人君子所以不能不慨嘆於此而必求所以親之之道以明譜系之本焉夫仁人之心以天地爲父母以萬物爲同生故物爲與則愛之民同胞則仁之而况九族之親而有不親者乎九族之親則同一祖氣爲一身手足之連枝者又非但我民同胞而四海兄弟之比也故視吾身以上之支則有高曾祖禰以上之親視吾身以下之支則有子孫曾元以下之親其親親之殺固不能無期功緦麻袒免以至無服之等然繇吾祖一人之心視之則皆其子孫也皆

其所欲親者也而曷嘗有彼此親疏之間哉此吾章氏之譜所以在我有必尊詳其所自出以爲相親之道歟按章氏之譜始遷南閣祖諱賁字延世乃閩太傅諱仔鈞第七子仁政之後仁政則唐康州刺史諱及之曾孫也自刺史公至延世公蓋五世矣延世生廿一太尉廿一太尉生元四保義三世皆以一人而傳自是而下或生二人或生六人或生十二人傳世愈遠錫胤愈繁至綸則二十三世兄弟乃有六十一人口星居異地者有若干數然莫非始遷之祖一人之所生也始遷之祖之父兄弟十五人本於太傅一人之所生其生生之多又若干數自是推而上之康州刺史則秦雍王邯之弟平三十世孫也又推而上之至始受姓爲章之祖羈又不知其世數自章受姓之祖而溯其源則爲四岳之姜氏自姜而又推其源則爲神農氏之後也

其初不過一人而已自一而十而百百而千千而萬莫非一人之流裔也其遠不可知若其始祖以及始遷之祖其所生之子孫皆吾族人故十五子之派以及上世之派分居各郡者莫非一人之子孫固當合序昭穆以相親睦矣而况南閣之族以始遷之一人而生其子孫昭穆尤近而可不相親睦者乎若其同高曾祖禰之有服者其相親睦則又不待言而可知矣此所以自親及疏繇近及遠而同一親親之仁也於乎世有同祖共父之兄弟而有粟布興謠不相往來者亦獨何哉蓋惑於利心物我之私而昧夫義理同氣之公也雖然子孫之所以相親睦者固本於同祖之一氣而子孫之所以昌盛而綿遠者則又本於世績仁厚之德之所致也觀之太傅公練氏夫人全城之德而子孫之食其報者可知矣後之子孫能有是德則亦有是報

自當相與孝弟親睦而隨所居以積德可也否則能無愧於吾祖者鮮矣故圖列譜系本支昭穆之詳以見其所當相親之故又因而叙之以弁諸首以爲宗族之勸戒云

送族弟吳欽美歸樂清序

同前

余高祖典史公本邑之北閣吳氏出繼南閣章氏遂以章爲姓於今五世矣而燮嶺烏嶺之吳則北閣下灣之同支爲余之族人代相厚者久欽美乃其支裔以昭穆序之則余同行也少以秀質能讀書志在儒科里人與之隙者以其名報於有司爲吏胥大非其所志不得已就之然亦非以刀筆取利者比及考滿之京從事大理將三年以勤慎見愛於廷尉今年適有例簡吏之願還鄉者聽於是欽美幡然告退廷尉留之不從將促裝南還鄉友徵余言以送之余惟厥初生民則天下之人皆民也而

上下貴賤之品有不同者以有是民而立君有是君而設官有是官而置吏於是乎禮節名分有截然不可犯焉然天下諸司莫不有吏而吏實官之階非士農工商之四民者比然民而得爲吏則亦異於民矣而其所以異者以其承官之書行君之令以及於民而謂吏也吏承官之書爲官之吏官奉君之令爲君之吏君則行天之令也故又謂之天吏君也官也吏也分雖不同而其所以名之吏者一也然人之爲吏往往不得以善名者以其無志而溺於利故也若其有志而能以清白自持則古之名臣如蕭曹黃霸王吉石奮陶侃之流今之臣爲大官者多由吏起吏豈下也哉夫以欽美之志行由此而起不改所操未必不效古人而乃舍之不取退處山林以漁釣自娛其視碌碌於車塵馬足之間而不知止者大有徑庭也哉

梅之合德於君子者無間隱顯而求其趣味於隱者尤宜蓋其性格好生於流水溪橋之上園林松竹之間雖間或爲玉堂之樹壽陽之粧然終非所性也故詩人吟咏亦多於隱者見之如園林半樹籬落橫枝與夫疎影暗香之句獨西湖處士得之爲尤妙至如東閣詩興羅浮醉醒與夫花舒雪尙飄照日不俱消祇言花是雪不悟有香來香中別有韻清極不知寒等詩句終不同也他如唐之李杜宋之蘇黃諸公吟咏雖各有風韻而極趣味然與和靖隱者之思亦不同也自是而後雖有作者不過此意耳青田隱士劉君某亦嘗愛梅有百詠詩故自號曰梅坡余雖未見其詩然觀教諭嚴君績爲作詩引而稱其縱橫百態疊見層出豐而瞻典而則蓋所謂隱者之詩而嘗得意於梅者

也今年來遊京師謁余官邸耳其言則溫目其貌則恭問其家世則爲司訓鎮江府學季安先生之從孫得其家傳而善於吟咏其尙不以自足而尤加意於學凡有吟咏必有溫柔和厚而後可 按文似未完

墓誌銘

贈大理寺丞前監察御史永豐鍾公墓誌銘 見原鈔本附錄

景泰五年夏五月甲戌監察御史永豐鍾公與綸俱言事下獄既而公卒而綸生天順改元丁丑春正月皇上復位釋綸囚復禮部郎中陞侍郎召還大理寺少卿廖公莊復職賜公誥褒公忠義可嘉贈大理寺丞命公長子啓爲國子生以報其功既而啓陳情乞收父骸有司寢其事今年復奏請如前上許之既得屍朝臣多賻以官歛之資而衆祭之既又賜以輿載餼廩驛遞

南歸卜葬於邑之□隅便道過金陵謁予爲誌銘嗚呼予忍爲公誌銘哉雖然不得不爲之也公諱同字世京姓鍾氏號待時世居江右永豐之閬溪號河邊書屋系出唐越國公紹京之後累世簪纓曾祖伯夔隱而勿仕祖夢弼贈翰林侍講祖母陳氏贈宜人父復進士及第官至翰林院侍講兼經筵官母黃氏贈宜人公生而穎異自幼善讀書成誦勿忘掄秀爲邑弟子治禮經中庚午貢生登辛未科進士第擢貴州道監察御史遇事敢言讞獄明允景泰五年春上天示戒積雪連陰朝廷下詔求言公手成諫章大略以朝見兩宮復還儲位爲重初以稿示都察院副都御史劉公廣衡見其語意觸諱謂之曰逆犯龍鱗者必死公乃易稿意在諸司臣寮各言致災之由而復儲一事實欲禮部啓之既奏有旨命廷臣集議無敢言者公出朝門大聲語

收藏於枕畔獄卒見之盜去竟莫能得自是踰年又半恭遇皇上復位綸等存者厚沐洪恩而公尙在淺土今得孝子啓收骸骨歸葬可謂父忠子孝聚於一門公生於永樂癸卯四月初十日午時距卒年僅三十三歲嗚呼亡之命矣夫配吉水烏江彭氏生女貴貞適翰林編修劉素二世孫盛繼配邑之睦岡羅氏生男四長卽啓字沛仁娶監察御史張嘉會孫女次越聘前刑部主事高公望孫女次赴次清俱幼銘曰承庭訓兮奉餘矩登龍門兮入烏府進忠言露肝腑忘身家兮報明主羅貫索兮繫囹圄死不幸兮寄淺土荷聖恩兮封於墓贈禮官兮爲廷輔得孝子兮哀無怙乞父骨兮歸鄉所父忠君兮子孝父忠與孝兮一門聚留芳名兮垂千古

箴贊

出門箴

見原鈔本第九卷並見東甌先正文錄

第四輯

人生是身有出有處處以恭居出以敬主當其處時潛心如淵對越上帝其威凜然兢兢以慎業業以懼洞洞屬屬萬理咸具寂然未動儼若其思其處如是其出可知當其出時立於門屏如見大賓翼然起敬從容正色勃如躍如若揖左右前後瞻如周旋中規折旋中矩肅乎威儀謹諸肺腑初發一念指視若神於此慎獨省察操存內有父兄外有君長孝悌忠敬順行毋強在閨雍睦撫下寬慈信以交際切切惓惓凡百敬身動靜交致身修家齊可推平治跬步之際八荒在茲廓然幃闥何有町畦當此出時所係甚大須臾有違馳心在外此謂非道與物同歸彝倫既斃萬事亦隳吁嗟靈臺於此焉省匪曰示人於以自警

參前箴

同前

綸曰吾必以死諍之時綸備員儀制正欲建言遂發復儲事於是年五月九日己未晡時封章進當宁見則大怒讀畢日已昏門已扃乃傳旨自闌出命錦衣衛卽時逮捕入獄翌日榜掠訊無跡又翌日加榜體無全膚不得已辭連公卽逮繫入獄對既實乃加刑覆訊必欲招通南內不服用炮烙刑又不服乃窮慘酷欲致之死地天乃大風降黃沙人大恐仍禁錮欲終其身自是日甲子雨至於八月旣得生公乃與綸酌酒相慶或賦詩遣興或弈棋消閒日則對坐夜則對臥相與談論無復憂悶公性警敏巧慧獄邸無事乃學結絲網愈結愈精償倍過人聞隔墻獄中胡人吹笳聲詢知用蘆乃學雕爲管吹都響如笛見獄卒煑飯鍋缺帚乃爲之規地織蘆作之巧而固又以蘆爲車其堅可坐獄卒爭請爲之齋出爲家用又作盛蟬之籠巧如樓臺獄

卒齋出市人爭買之時久雨隱地多稗草乃取之以爲履勝買草履者暇則作文賦詩有爲六部大臣書與六科十二道詞直理正大略有詰責不相救之意所賦之詩甚多遇物題咏皆合于格律及無筆墨乃畫于壁彫于瓦先是大理少卿廖公莊見公與綸下獄乃繼言復儲事當宁怒其切直待其以丁憂陞見卽於朝堂大杖之八十幾死貶爲陝西河州衛定羌城驛丞遂因而有旨命錦衣衛封六大杖擇六壯卒卽獄中大杖公與綸一百必就死每五杖易手公肌體尤瘠故杖至三十已斃不動杖畢氣俱幾絕頃之乃甦衆以手輿入獄又禁不與酒綸漸平復幸不死公日臻劇謂獄卒曰吾頃夢有旨謂李時勉劉球一輩建言人令在午門對辨實則恕之否則謫爲戍言畢至夜半死時景泰六年乙亥秋八月二十三日丙寅也公時製遺稿綸

士之立身顧此言行言必忠信行必篤敬道德所在明命赫然立而顧之若參於前行顧其言莫敢或後言顧其行謹出諸口庸言不忽庸行不違人倫日用常目在之若見圭玷不可爲也若見瓦裂萬事隳也立見如此在輿可知或參或倚念茲在茲謹此樞機感召所係行近及遠可動天地行或偷薄言或誕虛不行庭戶况乎州閭曰聖曰愚其分在此顧之不忘慎終如始

羅知州小像贊

見原鈔本第九卷

肅乎冠佩儼乎儀形其溫如玉其瑩如冰問其學則襲箕裘聞詩禮遊泮水以窮經問其仕則登桂籍居要路初筮仕於專城知非有伯玉之德富貴有買臣之名其必濟以寬猛蒞以公清勞撫字立志忠誠以善其最以陟其明報聖恩之寵任爲當道之名卿者歟

章恭毅公集卷之十二終

明尚書章恭毅公詩集目錄

廣東布政使右布政使司男玄應 編次

太僕寺主簿 男玄會 采輯

南海縣儒學教諭 莆田周 讚 校正

卷一四言古 萱草 坵隴

卷二五言古 送表弟劉仲仁還樂清 貞德堂為梅氏賦

送王秉惠評事還廬陵祭掃 雲林書舍 送妹夫谷

氏還永嘉 挽通政司季經歷父母 謝廖亞卿送帽架

送子玄應赴京會試 送姪玄俊還樂清 壽默庵范

處士七十 送姪玄案歸樂清 寄錢太守 湖居八趣

為某進士父賦 槐雲書屋 贈醴泉章副使宗人 南

塘書院為范榮秀才賦 繼美堂為姑蘇徐宗輝賦 送



謝惟玉歸黃巖 柏守為吉水葉氏賦 送王存省歸黃巖 寄孝子 水筠軒為儀賓周公賦 遺安為王義官賦 終慕堂挽陶處士 義和堂為狄氏兄弟賦 挽古菴陳處士

卷三五言古 積善堂 侯軒為蔡尙明處士賦 送外姪朱

舜歸永嘉 何氏一心堂 風木堂 思貽堂 思誠齋

題王元章一枝梅 謝蔡敏菴 默菴為永康楊思明

賦 寄楊尙書年兄 澹軒為金庭鳳賦 送董君 送

黃巖庠生趙庭敷章秉略與余姪婿任存斌同來求送鄺

大尹考滿序 寄贈瑤川朱表姪兄弟二首 樂靜為八

千賦 萬卷圖 贈處州王仲芳 和陳西溪韻二首

澹菴 送同宗吳光器兄 寄太僕寺李丞 耕雲為徐

崇述賦 題蒲石圖 題梅花補 贈湖頭黃義官兄弟

三首 寄青田致仕洪主事 省菴為能仁覺西堂賦

卷四七言古 高橋八詠 送朱生元禽還樂清 虎圖行

題畫梅 愛日堂 題畫竹 壽星歌慶趙駙馬八十

為蒲溪修橋作廟道人賦 登樓秋景 焚膏展卷 洗

硯臨清 看花覓句 淪茗論文 元宵 補貫城十二

咏之一 貫城十二咏之二 十一獨枕

卷五五言絕 和韻二首 酌酒送別贈毛君 和干勉軒送

章魚韻 和廉榮韻 雲山適興 邵經魁臨 別贈言

二首 蔗菴覺長老送茶 題扇寄桑通判 補謝海長

老送茶 補前七言古

卷六七言絕 送周參議之四川 葡萄 三松圖為樂清沙

氏賦 寄王夢竹先生 喜黃草堂來訪二首 謝王陰

陽寄書物二首 賀鄭親家資送嫁日大雨得晴二首

謝湖頭黃義官伯仲遣禮二首 謝黃巖張二尹二首

謝本邑徐大尹張二尹歲除遣惠二首 謝徐大尹送鄉

飲酒禮卓面 謝青田董司訓 謝嶺頭潘二姻伯二首

謝通政和詩寄扇二首 寄致文王僉事 寄湖頭黃

友竹 謝處州熊太守寄曆日 復太守項公遣禮 復

徐大尹送胙 憶金陵舊友 寄崔指揮二首 謝大尹

徐遣禮 示男給事分俸檄至 為朱瑞贈周蟄二首

覺西堂送茶 謝任姪婿送鴨子海味 復表弟國季慎

謝崇長老送茶 送姪玄俊玄熙姪孫宗魁鄉試 寄

項太守三首 寄盤石張把總 寄盛無逸表弟 寄贈

項太守重修却金館 寄謝項太守見招暑熱不行并謝

惠紙二首 寄本邑徐大尹 寄大尹項公 題扇面李

白觀瀑圖 題扇中竹 寄謝崇長老送新茶 謝鄭二

舅寄二扇 攀轅臥轍為吳大參贈 獨步游春 金大

尹到此夜大雷雨 寄謝仙居周華二兄寄扇 中元前

一日觀稼 寄盧氏季清季欽二表兄 思友漫興二首

葡萄圖為董遞運贈 寄曾止菴先生 謝鄭親家送

瓜桃新米 題蘆舟小景 次題韻送劉把總二首 聞

淮安張都憲問信吟絕句二首以贈之 寄台州林同知

謝能仁省菴和尚送橘 謝本邑李判簿送胙 十月

十四夜與孫九儀賞月 謝副都兼秋官侍郎寄書 寄

謝王僉憲致文惠扇 次韻答詩社嚴方先生三首 夢

成國公乘高馬行 又寄致文王僉憲先生 寄詩社諸

公不見寄詩 題王陰陽水墨梅月圖 和韻贈黃遺安

寄蔡敏菴歸田謾興七首 遣懷二首 咏史 遣懷

寄燮下吳欽泰宗弟 寄扇與項太守姚同知 題小

山水圖 謝張二尹送胙 寄贈太平袁知縣 酬李海

兄送枕 贈白巖遄上人 寄曾止菴先生 題水墨竹

謝省菴送酒 和虞都憲黃文簡公游石門韻 次韻

贈翠庭表叔暨諸賢表 訪黃巖大尹鄺公承迎至縣庭

與諸賢連日禮意浹洽餽贖過厚臨別又送至十里酌酒

而行因成鄙句以留別云 朱教諭寄書 寄扇與徐通

判 復盧宅諸表送虎頭瓜 題四皓圖二首 口號寄

陳秋鴻先生 寄蕭山魏冢宰 劉分司遣人問信 寄

謝錦川蔡親家諸舅二首 題畫二牛一犢二牧對局

答謝鄺大尹送胙當生日至 謝金宗懌兄弟送瓜魚蟹

李白騎鯨扇面為黃巖張縣丞賦 贈謝任姪婿送肉

鴨章菱 贈廷暘 謝蔡大舅書來送鷄鴨粟 次王夢

竹韻二首 答王學正先生遺書并詩 屏山畫壁十四

韻 遣興 歸田漫興四首 元宵 遣懷三首 咏史

二首 遣興二首 咏史 題龍鼻泉 卓筆峯 寄表

弟金敏氏諸昆仲二首 寄青田洪主事 寄青田董司

訓 寄麗水王先生廷贊 送義姪林迥教學還家 寄

鄭二舅義官 留別贈鄭舅二首 寄詩社諸先生二首

寄成國公 三月三日後山墻下出紫芝一足長五寸

兩頭連理如雲成詩二首 送女婿陳孔修鄉試 小孫

九儀自南京抵杭科試作詩以期望之下補仙人橋展

旗峯下洋馬家山屋贈外甥光敏耕居馬家山頭

卷七五言律 廿五首存七首 喜黃艸堂來訪 送義姪林

迴教學還家 寄謝萬僉憲 天陰悶人 贈黃老人

贈陸志學和韻 贈毛君聯句 正月十日閑行見蝶飛

獨步游春二首 九日登高二首今存一首 四月七日

夜夢倪宗伯吟詩 臨行海上人留飯 和謝寶慶韻存

晚至能仁寺留宿存 過四十九盤嶺存 溪上閒行

存 再過四十九盤存 過栖雲塢黃草堂留酌 留飲

陳尙寅積善堂 題無號翁為繆從寅兄賦存 投壺畫

八卦贈邵經魁 酌別勸留贈廷易

卷八五言排律 四首俱失 和王學正先生 挽朱給事中

父母 喜壩頭盧良珍良才二表姪同世寶仁寶二表姪

孫來訪詩以謝之 留別鄺大尹 七言排律一首存

歸錦詩為鄒宗伯

卷九 詞贊引箴 沁春園賀孟太守重剏尊經閣詞 羅知

州小象贊 梅坡百韻詩引 出門箴 使民箴失 參

前箴 補七言古三首 感謝東翁 早後久雨 饗殮

自治

卷十七言 送許都督赴召 慕萱堂周傑賦 壽相主事父

八十母七十五 為李生父母六十 挽袁指揮 挽寧

國葉太守 送張鑑太學生歸金華祭掃失 送劉壽太

學歸金華省親 寄蘇州太守姚堂年兄 送友人吳允

恭歸金壇 送僧家樂歸永嘉秀峯寺失 友菊為陳秋

鴻賦 春江別為呂某之京省父作失 送表兄干叔儀

之京入選失 送松泉之子陶曰口還新淦失 次韻贈

尚書蕭考滿之京失 寄上杭王大尹希禮兄失 送張

太學之京聽選失 月潭為僧文肇賦失 懷恩堂周杲

從事失 送太學生葉茂之京聽選失 瞻雲為周儀賓

賦 慈壽堂為周儀賓賦 松筠軒為葛揮使賦 挽金

杏莊先生 送龐主事還京 送溫郡王通判 送監生

王頊依親歸贛州 送胡舉人尚書之姪 贈婺源程舉

人兄為戶部主事 送鄉貢進士趙君會試 送巴東蔡

大尹朝京失 永慕堂為宗人以職賦 送孟太守詩見

任廬州府 寄陸太守見任甯波府 送來安鍾教諭先

生失 送謝世懋還黃巖兄員外郎省失 送項太學朝

京 贈張中書 奉萱堂為武林錢某母七十失 壽趙

駙馬母九十有四 寄贈宣州朱指揮 壽處士伍本中

七十 寄華亭范榮秀才父 挽新布瞿修處士失 壽

榮堂為劉侍郎賦 誥文刻石記為侍郎賦 送太守劉

之袁州 題歸去來圖 送三僧歸永嘉 龍江惜別為

陳秋鴻賦 送金太學兄弟南歸 送黃岩諸上舍歸養

送永康太學生章忠叔姪歸養 送黃岩張珽監生歸

養 送王參政之任浙江 寄謝柯王二內翰 寄謝錢

學士餞飲 上平江候二首 送戴棠糧長還永嘉 送

玘長老歸永嘉景福寺失 和蒲禊野夫韻失 壽陸母

九十 送太學生黃君蘊圭省祭還永嘉失 寄奉蕭山

尚書魏公失 送族姪章敬克莊省祭還會稽失 送錦

衣衛呂指揮還京 送高縣丞文軒還吳縣 酬吳郡大

參二首 寄金壇致仕主簿吳公 挽陳文璧先生失

送太學生谷友省親歸鄉失 送范綱舉人依親歸天台

失 挽江右黃子徵義民失 補送張侍御提督學校失

送當塗掌教任先生失 送華亭司訓林先生失 挽

龍處士子夔為戶部員外郎失 奉親堂為朱九儀賦失

送薛廷用還金臺失 青山白雲圖為陳永淵賦失

謝江君孟榮送銅壺并箭失 送吳祭酒考滿失 壽宋

守默居士六十 挽永新伯許成失 江湖佳趣 終慕

堂為董遞運賦 送徐御史省親之福建迎母還失 留

別詩與寶上人兼簡安隆安諸禪師失 送徐生以魁歸

平陽失 送友人吳然默親還瑞安失 贈別洪長老失

題江湖勝覽 送江太學聽選給假還家失 送蘇太

學聽選後給假還家失 送姜太守之任南雄 壽王員

外父母八十 挽趙母二子敏任學正政任郎中失 挽

縉雲李侍郎失 贈趙同知之常德府失 和韻贈陸志

學 又和韻贈前人 挽毛處士子任御史失 杜唐桑

梓為方郎中賦 送趙太學 夢萱堂為方氏賦失 挽

蕭尚書 挽戶部張尚書 挽鄧繡衣父母失 送徐御

史之山東僉憲失 寄李存翼都憲 壽素菴楊景茂處

士七十失 送曾穎新從事省親還吉水 挽東山周居

士累官刑部郎中失 書贈太學諸友詩 送義弟弼還

樂清失 送趙孔曼之永康教諭失 怡松為某處士賦

失 寄和尚書魏公韻二首 壽沈太守父七十 字說

為族姪慶賦 送金行人失 寄杜亞卿 次韻永嘉張

處士失 和周士傑韻失 和章熙緒 用送唐介韻失

寄趙閭處士失 挽鄭節婦失 挽曇敷僧官失 寄

慰殷太守丁憂起復失 寄慰王副都丁母憂失 謝河

南張憲副寄藥香 謝河南侯豐二布政寄曆 送江廷

壽省兄之金臺 壽王尙書父母具慶八十 寄安陸趙

太守 送蔡二府之任楊州失 送太學之南監 送唐

大尹 送呂太守之袁州 慶錢教諭之七十失 送唐

通判 贈任氏歸黃岩二首失 涵清軒二首失 送周

戶侯致仕南歸 送伍郎中致仕 送王經歷廷珍之杭

州失 挽張處士失 挽孫孺人失 挽處士趙芝室失

挽張御史 恩慶堂爲吳德明賦失 挽王仕隱主事

挽周庶子 挽桂處士失 挽馮母 挽楊母失 挽

沈處士失 挽黃官教授失 送陶醫官復職之永嘉失

挽劉樂靜處士失 送郭司訓起復之京失 寄和魏

尙書先生詩韻二首失 寄浙江謝布政失 和李尙敏

兄韻失 挽謝琚御史失 慈壽堂爲莊氏賦失 和賀

友菊韻失 寄華亭楊大尹失 送建昌陳通判

以下目錄十一卷之十八卷則詩失大半文盡亡矣今
將亡失目錄另抄卷末以待補之

卷十一 送臨海包君廷儀以安福長史部糧復任 寄李尙

敏兄 重慶萱堂爲朱氏賦 寄致仕金光祿 寄阮布

政 寄項主事 寄朱教諭 寄永嘉黎縣丞 寄檢討

孔鐸先生 送劉瑀舉人會試 送張浩舉人還松江

寄洪主事兄 種柏軒為瑞安高廷堅賦 寄同學友人
 徐汝繹 梅月雙清圖為朱給事賦 為袁郎中慕親
 挽黃母二首 寄廬州孟太守 贈馮檢討先生 送朱
 鶴年兄海陽縣丞歸建昌 慕萱為邱均徵賦 送輝上
 人還東嘉 寄友人南昱兄 送楊昕會試 送郭攀兄
 會試 送曹御史點軍征雲南 送人歸姑蘇 送魏給
 事中歸福建祭掃 送陳通判復任管馬政 送蔡司訓
 改任貴溪 送李僉都赴召之京 月夜舟行至張家灣
 贈藩臬諸公 贈曹大參 贈袁僉憲 贈謝大參
 贈王參議 贈王僉憲 次韻贈丁大參 送盧司訓之
 任 贈張處士澄 挽錢塘何處士 送泉州李太守之
 任 送太學生金甯還義烏 壽洪靜菴處士八十五

送蔡二尹還永豐 和曾止菴韻 竹雪書窗 贈楊指
 揮茂 送鄭太學生宇聽選之京 送致仕顏知縣歸臨
 海 和黃廉使韻 贈浙江陳都司 送林廉憲大朝
 贈太學生廖輔 贈董宣秀才 壽金僉憲六十 挽尹
 大參 送閻鐸大參之浙江 贈太學生薛黼父為尙書
 挽貞節劉母 送宋士寬遊湖湘還吉水 贈蘇州
 顧舉人 贈彭舉人還樂清 送惠崇上人歸雁宕
 贈惠崇上人住持白鶴寺 送湖廣副使嚴君之任 送
 蔣進士之京 留別寄江傑兼簡方劉二友 咏紅梅
 送姪婿潘廷易歸永嘉 送潘進士還京 鳳臺勝覽別
 意送趙子懷 贈羅狀元 送姪瀚邦還樂清 送葉琦
 舉人會試 推篷圖為陳太常賦 送表兄潘永泰歸北

閣 寄曦長老 送詩社倪應奎還四明兼柬中律周先生 送錢學士奉使江南 和蕭都憲送橙韻 寄曾止菴

卷十二 蔗湖八詠 寄江西黃布政 寄仁和夏少卿 次

韻酬葉一得先生來訪 九日登高後上樓宴集 寄倪

宗伯 寄王僉事致文先生 九日登南山送沙埠葉君

洪達歸家 過雁蕩宿僧舍 贈僉憲李君獻齊 送宗

弟廷瑞姪玉山歸永康

卷十三 和杜牧九日登高之韻 過館頭江 過燮嶺望同

宗吳氏遇雪留飲吟以贈 七月二日寓嶺店驛賀千秋

節 和魏尙書韻奉寄二首存一首 岳武穆廟追次趙

松雪韻 送經練師還金臺 贈麗水金進士 下補七

首 瓊林賜宴 玉殿傳臚 初下獄哭御史鍾同 游

北川涼臺有感 雨感良如先主贈 內有感 補文二

篇 鍾同公誌銘 送吳欽美序 明史本傳 恭毅公

行狀 恭毅公傳 諸公挽恭毅公詩八首 贊詞四篇

章吳同宗譜序四篇 章氏源流序 吳氏源流序

御賜詩二首 諸公題章氏詩四首 章吳同派詩一首

學士吳康肅公碑銘 新安朱熹書 宋史本傳

古者太史陳風而知政治得失風俗貞淫畢見於輶軒之下
卽吳公子札觀樂亦口聲而識其得失則知一時之吟咏人
心之邪正所係非淺也吾太祖恭毅公者係明時顯宦生平
著有奏議年譜進思錄困志集及咏物慶唁爲人碑銘行狀
記傳等篇率意揮毫詞多樸素風雅之士或有所勿取而語
言之爲臣言忠爲子言孝兄弟朋友夫婦之間昭然以大義
告之上不忘於君下不忘於民數語包括隱見氣脈醇厚學
問精純非泛言酬贈者所可方其萬一則太祖之有關於名
教者非僅以文詞見長矣宏治辛酉歲二世祖玄應公玄會
公欲收刻詩若文編叙之以施梨棗迨奉諭命一赴廣東藩
臺一召太僕寺卿轉委致仕江君源通公董其事大學士尹
直翰林修撰羅倫爲之敘太保李東陽吏部徐鐸門生指揮

崔鈺諸公釐訂而評定之當時名卿詞藻非不卓越而奉爲典型尊爲師表者蓋以摭詞正大不假借不穿鑿爲文家正宗之要訣耳惜經兵燹存者十無二三順治元年春吾始祖整鄉公攜帶恭毅公詩集數卷自樂邑南閣來至溫郡性好山水遂卜於杜畧溪居焉惟此數卷守藏已久余懼年湮字缺盥手錄之以備攷覽庶幾先型之手澤得留一線之延遠蓋至此太祖之性情如見也後人之數典不忘也而凡屬後昆者其知之否嘉慶丁卯仲夏十三世孫鴈南煥斌謹誌
裔孫祖印皈釋道融念太祖所著奏議年譜進思錄困志集及文集二十七卷今也散失爲慨每歲留心採輯未獲全帙則所得殘篇是於族中祖隆兄出太祖行狀并傳心融家出雁鳴堂詩集有太祖詩數十餘首心霈家有目錄十八卷詩

存其半文盡亡矣又於循字出煥彬之祖錄藏詩三卷更求全集卒不可得再於東甌詩存及雁山新舊二誌共錄詩四十餘首并錄鍾同公誌銘及金字譜中送吳欽美公序皆先用聚珍印行事已舉族中人欣然來者澄雲祖隆祖和德永聖送心融心霈等共成勝舉并告近遠仁人君子或家藏或見聞恭毅公進思困志及文集等書倘若得遇乞賜敝族則付歛剛以成全集仁者姓名亦垂千古矣謹跋



WENZHOU LIBRARY

章恭毅公集溫州經籍志二十六有目無書天一閣藏有
寫本余曩因友人借鈔藏之凡十三卷題曰明尚書章恭
毅公詩集卷一至八卷十至十三皆古近體詩卷九爲詞
贊引箴編次未免夾雜卷十三後附載他家詩文頗多大
抵從族譜中鈔綴而成與本集初無關涉然有公自撰之
銘序攙入其中則尤不可解也今重爲編次第八卷以前
悉仍其舊進第十第十一卷爲第九第十卷并第十二十
三兩卷爲第十一卷新編第十二卷則取原第九卷中之
贊引箴四首附錄中之銘序三首並采公之年譜及慎江
文徵東甌先正文錄永嘉集內編所收奏疏序記等文十
四首共爲文二十一首以成之原第九卷中詞一首則移
錄于第十一卷七言律詩之後又諸原卷中詩文有斟酌

移置者悉於題下加以按記本傳及前後序以據明史及原鈔本付印他附錄詩文并爲刪去而將原鈔本目錄附載集後以便讀者考覽於是本集有詩十一卷文一卷共爲十二卷並改題曰章恭毅公集竊維公之生平不以文詞見長而丹心浩氣時洋溢於楮墨之間誠有不可磨滅者遺集舊稱二十七卷今所存止此其大半遺佚者深望他日猶堪搜補爾中華民國二十四年十一月黃羣記